



Cambio den politica di contract y retiro ta clave den reforma di mercado laboral



Pagina 3

- **Mucha di nueve aña
a hoga na Mangel
Halto**

Pagina 2

- **Pensioen di biehes
ta aumenta cu
2.4% awe**

Pagina 6

- **Situacion di
puppies bandona
den caha ta capta
atencion di medio
internacional**

Pagina 2

Edjean Semeleer ta comparti e magia di fin di aña cu su Paranda Nacional di Dande



Pagina 4

Candela den facilidad di almacenamento di bateria di Tesla na Tilburg



Pagina 9

Di 39 presidente Mericano, Jimmy Carter, a fayece cu 100 aña di edad



Pagina 23

Situacion di puppies bandona den caha ta capta atencion di comunidad y medio internacional

Recientemente na Aruba, un situacion cu ta involucra cachonan bandona a capta atencion no solamente entre comunidad local, pero tambe riba nivel internacional. E website The Dodo, cu ta dedica na informa tocante bienestar di animalnan en general, a reporta tocante e situacion lamentabel cu un boluntario a encontra na un di e fundacionnan di bestia aki na Aruba.

E reportahe ta conta cu na comienso di december, na momento cu un boluntario a presenta pa habri e portanan di e fundacion Sgt. Pepper's Friends na Aruba, el a haya un sorpresa desagradabel, un par di caha di carton pega cu algun buraco na banda.

Door di un di e buraconan, e boluntario di rescate di bestia por a mira un curpa chikito yen di cabey ta primi su mes na e buraco. E boluntario a hiba e caha paden di e heki na un lug a cu sombra den e parkeerplaats y a habri e caha. Den e caha tabatin varios puppy di 8 siman.

"E cachonan tabata cayente y cu sed," Dayenne, gerente di rescate na fundacion Sgt. Pepper's Friends, a bisa The Dodo. El a sigui bisa na e medio cu e cachonan tabatin sangura y purga, pero definitivamente tabata socialisa



pa hende, ya cu nan tabata contento di mira e boluntarianan.

E medio a sigui splica cu den casonan asina, cu ta envolve cachonan bandona, semper tin un riesgo di parvovirus, pues trahadonan di rescate mester a tene cuidou pa tene nan separa for di e otro cachonan na e fundacion te ora cu nan por ser evalua completamente, deparasita y vacuna, locual semper ta un

reto ora tin asina tanto cacho den necesidad.

"E asunto ta cu ora nos ta yen, manera semper, nos no tin realmente niun caminda pa pone nan," Dayenne a bisa The Dodo.

Esaki no ta e prome situacion cu e fundacion aki, of cualkier otro fundacion di bestia na Aruba, ta encontra caminda nan ta haya caha di cacho cu a keda bandona na nan



porta. Den e ultimo seis luna, caha di cacho a ser bandona pafo di e fundacion aki dos biaha. Banda di dje, e clinica di sterilisacion y castracion, Animal Welfare Alliance Aruba(AWAA), a experiencia e mesun cos.

Despues cu e cachonan pasa e evaluacion y haya e okay di salud limpi, nan lo ta disponible pa adopcion aki na Aruba y na Toronto. Nan lo ta disponibel pa bay cerca partnernan di rescate na Hulanda for di 4 luna di edad, y pa Merca na 6 luna di edad.

Manera ya ta conoci, anteriormente fundacionnan por a manda cachonan chikito pa Merca, pero desde augustus esey lamentablemente no ta posibel mas, debi na e reglanan nobo di CDC. Pa por manda cachonan Merca nan mester tin minimo 6 luna di edad.

E regulacionnan nobo a nifica cambionan grandi pa e fundacionnan, ya cu nan no tin espacio mas pa tanto cacho. Sinembargo nan ta trahando estrechamente cu AWAA pa sterilisa y castra e cacho y pushinan riba caya.

Ariba rednan social constantemente por mira publicacionnan caminda usuarionan sea ta busca doño pa cachonan cu nan por keda cune of ta haya cachonan chikito bandona.

Ayera mes riba Facebook un usuario a publica cu a haya un caha cu 7 cacho chikito bandona den dje den area di San Nicolas. Personanan di bon curason ta purba yuda den casonan asina, pero mayoria biaha nan no por keda cu tanto cacho y ta busca otro hende pa adopta nan.

Lamentablemente ora cu no haya hende pa adopta nan e cachonan ki den hopi caso ta bay back riba caya y e asina e ciclo ta keda ripiti sin un fin na bista.

Fundacionnan pa hopi tempo ta traha pa purba soluciona e problematica di cacho y pushi riba caya. Tin varios iniciativa cu ta ofrece sterilisacion y castracion gratis na doñonan di mascota, pero asina mes e situacion ta keda grave.

Mucha di nueve año a hoga na Mangel Halto

Ayera despues di 5or di atardi na Mangel Halto a sucede un caso na unda un mucha di 9 año a guli hopi awa y tabata rekeri asistencia cu urgencia. Polis di trafico a yega na e sitio y a yuda cu reanimacion di e mucha mientras ambulance a yega na e sitio.

Segun vocero di Cuerpo Policial di Aruba, Liliana Rasmijn, central di polis a ser notifica cu un mucha a encontra problema den awa na Mangel Halto y di biaha a manda unidatnan di polis na e sitio cu urgencia.

E prome unidat cu a yega na e sitio a encontra cu ya caba personanan cu tabata presente na e sitio tabata sacando e mucha for di awa. Polis a cuminsa duna asistancia y a duna CPR mientras nan tabata en espera di ambulance.

Na su yegada ambulance a

tuma over esfuersonan di CPR y a transporta e victima cu maximo urgencia pa hospital, ken tabata den un estado critico. Ta trata di un mucha homber local di 9 año di edad.

Segun informacion e mucha tabata cu su mayornan y famia na lama y den un momento e mayornan a perde a mucha for di bista. Otro persona cu tabata presente na e sitio a wak e mucha y a yuda saca e mucha for di awa.

Lamentablemente na hospital no a logra reanima e mucha y pa 6:40 di atardi dokter a constata morto di e mucha homber di fam E naci 11 di maart 2015 di apenas 9 año di edad.

Bon Dia Aruba ta manda palabra di profundo condolencia y forsa na famia di e fayecido.



Agenda y Rapport di Implementacion di Landspakket:

Cambio den politica di contract y retiro ta clave den reforma di mercado laboral

Recientemente, Secretario di Estado Hulandes pa Asuntonan di Reino, Zsolt Szabo, a publica e Agenda y Rapport di Ehecucion di reforma den contexto di e landspakket cu Aruba a firma cu Hulanda. Den e capitulo riba “Mercado Laboral y Seguridad Social,” ta resalta e cantidad di reforma y proyecto cu ya ta andando y otronan cu tin programa pa futuro a corto plaso pa sigura un mercado laboral cu ta fomenta inclusion, ta reduci informalidad y salvaguardia contra desempleo y pobreza.

E capitulo 9, “Mercado Laboral y Seguridad Social,” ta delinea un maneho comprensivo pa reforma mercado laboral di Aruba y su sistemanan di seguridad social, cu un vision pa mehora participacion, productividad y oportunidadnan igual di trabao, mientras ta sigura un marco di seguridad social sostenible y pagable.

Mercado laboral di Aruba y su sistemanan di seguridad social ta vincula profundamente cu e metanan economico mas amplio di e isla y bienestar social. Reconociendo e necesidad pa reforma, gobierno a embarca riba un serie di iniciativa strategico diseña pa atende e ineficiencianan actual y alinea cu obhetivonan nacional a largo plaso.

Central den e esfuerso aki ta e integracion di politicanan social y di mercado laboral cu ta fomenta inclusion, ta reduci informalidad y ta salvaguardia contra desempleo y pobreza.



E caminda a cuminsa cu un serie di estudio profundo riba dinamicanan di mercado laboral y sostenibilidad di programanan di seguridad social. Consulta cu partnernan social a culmina den un documento di politica, “Un Rumbo Nobo brindando prosperidad y seguridad,” cu ta delinea e obhetivonan central di e reforma. E esfuersonan aki ya a conduci na logronan significante, incluyendo un acuerdo di principio pa modernisa mercado laboral y sistemanan di seguridad social y e adopcion di un plan multianual pa atende practicanan di empleo ilegal entre trahador stranhero.

Un componente clave di e reforma ta introduccion di un plan comprensivo di seguro di desempleo. E iniciativa aki tin sosten di e proyecionnan financiero detaya pa evalua si e ta posible y sigura cu e ta sostenible. Door di duna un ‘safety net’ pa esnan buscando trabao, e politica tin meta pa fomenta resiliencia den mercado laboral y curasha buskeda activo pa trabao. Mientras cu e medidanan aki ta ambicioso, nan ta refleha e compromiso di

Aruba pa fomenta un ambiente laboral husto y equitativo.

Modernisacion

Modernisa programanan existente ta otro pilar di e reforma. E coordinacion entre plan di seguro di malesa y discapacidad (ZV y OV) ta siendo refina pa optimalisa beneficio y reduci redundancia.

E ahustenan aki tin meta pa provee miho proteccion contra e riesgo financiero di malesa y discapacidad mientras ta sigura e viabilidad financiero di e programanan aki a largo plaso. E esfuerso aki ta apoya pa colaboracion cercano cu stakeholdernan clave, incluyendo Banco di Seguro Social (Svb).

Reforsa mecanismo di cumplimiento ta forma un parti integral di e strategia. E capacidad di inspectorado di labor ta siendo reforsa pa sigura cumplimiento cu leynan laboral y atende violacionnan na pia di trabao mas eficientemente. Un peer review recien di Inspectorado di Labor Hulandes a duna informacion valioso, y ta adaptando e recomendacionnan cu a bin for di esaki na e contexto

unico di Aruba.

Comprondiendo e necesidadnan di mercado laboral tambe ta un prioridad. Cu e meta aki, un metodologia nobo pa colecta data riba demanda pa forsa laboral ta bao desaroyo. E maneho aki ta bay permiti pronostico mas precies y permiti legisladornan alinea programanan di educacion y training cu rekisitonan den mercado laboral di futuro. Un proyecto piloto pa test e metodologia aki ta programa pa cuminsa pronto, cu plan pa incorpora su hallazgonan den planeamento di forsa laboral a largo plaso.

E reforma tambe tin meta pa mehora seguridad y standard di seguridad na pia di trabao. Propuesta di legislacion pa seguridad y salud ocupacional (ARBO) ta casi completo, marcando un stap critico na caminda pa formalisa proteccion na pia di trabao. Ta spera cu e medidanan aki ta bay reduci accidente y mehora bienestar general di empleadonan, contribuyendo asina na un forsa laboral mas saludable y mas productivo.

Atende problemanan structural den contract laboral ta otro area di enfoke. Cambionan proponi ta inclui permiti mas flexibilidad pa termina contract laboral durante e prome aña, cual ta spera di curasha contratación mientras ta balansa proteccion di trahador. Adicionalmente, ta diseña un plan special di retiro pa empleadonan di hopi tempo cu ta acercando edad di pensioen. E iniciativa aki tin meta pa alivia nan transicion mientras ta crea oportunidad pa trahadornan jong drenta mercado laboral.

Esfuersonan pa modernisa legislacion di bienestar tambe ta na caminda, cu enfoke riba actualisa politicanan anticua y mehora alineamento cu realidadnan socioeconomico contemporario. Concuren-

mente, un ley di registracion obligatorio (LV) a keda introduci pa regula empleo miho y reduci practicanan di trabao informal.


Gobierno tambe ta comprometi na desaroya un sistema mas robusto di sosten pa esnan buscando trabao. Departamento di Progreso Laboral (DPL) ta siendo restructura pa provee asistencia personalisa, cu un enfasis particular riba su servicionan di Job Center. E cambionan aki tin meta pa mehora e match di esnan buscando trabao cu dunado di trabao, y simplifica e proceso pa integracion den forsa laboral.

Optimalisa e proceso di retiro a traves di Departamento di Asunto Laboral y Investigacion (DAO) ta otro area di atencion. Door di reduci complehidadnan procedural y reforsa eficiencia, ta spera cu e cambionan aki ta bay beneficia tanto empleado como dunado di trabao.

Colaboracion entre agencianan relevante ta siendo reforsa pa mehora e efectividad general di gobernacion di mercado laboral. Esaki ta inclui reforsa e proceso di permiso pa trahado stranhero y sigura cu ta protege nan derechonan, mientras ta preveni practicanan di empleo ilegal. Ta conduciendo analisis financiero pa sostene e implementacion di e cambionan di politica aki, sigurando cu e decisionnan ta informa cu datonan robusto.

Den ramo di pensioen, ta explorando opcionnan sostenibles. Mientras poblacion di Aruba ta embehece, gobierno ta buscando maneranan pa sigura e viabilidad di e sistemanan di pensioen a largo plaso, mientras ta cumpli cu e necesidadnan di e pensionadonan. Un aspecto clave di e iniciativa aki ta e desaroyo di modelonan financiero pa proyecta escenarionan futuro y informa decisionnan di politica.

Na final, e reforma di mercado laboral y sistemanan di seguridad social na Aruba ta representa un vision ambicioso pa futuro. Door di fomenta un forsa laboral dinamico, inclusivo y resiliente, gobierno tin meta pa crea un ambiente unda cada individuo por prospera y economia por florece. E reformanan aki no ta djis pa atende retonan actual, sino tambe pa pone un fundeshi solido pa futuro generacionnan.



Edjean Semeleer ta comparti e magia di fin di aña cu su Paranda Nacional di Dande

Weekend ultimo, conocido cantante Edjean Semeleer ta realisando un bunita Parada Nacional di dande rond di Aruba, bishitando diferente bario di Aruba como tambe instancia social manera Maristella, Imeldahof, Casa Cuna, y hopi mas.

Deleitando tanto turista como local, coriendo rond den un trailer di musica partiendo bendicion di Dande, Semeleer a trece alegria y ambiente na henter Aruba cu un bunita regalo pa clausura aña 2024.

Cuminsando dia 28 di december, e Paranda Nacional di Dande a pasa Imeldahof pa 5pm, Centro Deportivo Frans Figaroa pa 6pm, area di High Rise hotel pa 7pm, y a clausura na kapel di Tanki Leendert pa 8pm.

Ayer dia 29 di december, e trailer a cuminsa na Casa Cuna pa 4pm, sigui pa Huize Maristella pa 5pm, Carnival Village pa 6pm, Centro di Bario Brazil pa 7pm, y a clausura na parkinglot di Club Estrella.

Y pa awe 30 di december, ta



bay tin e ultimo anochi di e Paranda Nacional di Dante, cuminsando na Aeropuerto Internacional Reina Beatrix pa un drive by 4pm, sigui pa parkinglot di Thuiszorg Jaburibari pa 6pm, Centro di Bario Dakota pa 7:15pm, y ta clausura na SETAR Irausquin Plein na Oranjestad di 8:30 pa 9:15pm.

E Paranda Nacional di Dande di Edjean Semeleer tabatin un tremendo acogida, cu hopi riba rednan social pidiendo pa e pasa mas bario pa comparti su bendicionnan di Dande cu su talentoso y bunita voz.

Sigur un gesto di aprecia pa e temporada aki pa trece alegria y bon ambiente den comuni-



dad. Danki Edjean!



CARIBBEAN SPEED PRINTERS N.V.

BONDIA **ARUBA TODAY**

TA ANUNCIA

Relaciona cu celebracion di Fin di Aña

Ta participa cu **NO** lo tin edicion regular di **Bon Dia y Aruba Today** riba diaranson 1 y diahuebs 2 di januari, 2025

Pa e motibo aki ta haci un suplica na tur esunnan cu ta desea di publica aviso den **Bon Dia y Aruba Today** pa diaranson 3 di januari, 2025 pa por favor email: aviso@bondia.com

Gerencia

Prospero
Aña Nobo
2025

LIKE US ON

facebook

Facebook.com/bondianoticia

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)
Leo Maduro

Raisa Montilla

Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Tips importante pa mantene mucha- y mascotanan sigur durante temporada di klapchi

Diabierna ultimo, temporada di tiramento di klapchi a cuminsa oficialmente. Aunke esaki ta un tradicion cu ta trece alegria, ta importante pa tene cuenta cu algun tips valioso pa mantene esnan vulnerabel sigur na momento di tira klapchi.

Tiramento di klapchi ta un tradicion cu ta ser comparti den famia, pero ta un hecho cu klapchi ta keda algo peligroso, specialmente pa mucha; mas ainda si nan no tin supervision di nan mayornan na momento di tira klapchi, y tambe por ta peligroso pa mascotanan na cas y otro animalnan riba caya.

Pa e motibo aki Bon Dia Aruba ta pone enfasis riba algun tips importante pa tene den mente na momento di tira klapchi pa seguridad di mucha- y mascotanan.

Algun di e tips importante aki ta pa mantene klapchi fuera di alcance di muchanan chikito. Como mayornan ta importante pa ta consciente y no tira klapchi dilanti di mucha chikito, tampoco laga un mucha chikito tira klapchi y no laga e muchanan chikito bay den e huma toxico di klapchi.

Si e muchanan tin un edad un poco mas avansa y ta desea di tira klapchi, ta hopi importante pa un adulto semper keda supervisa nan. Mayornan por traha regla y percura pa e muchanan cumpli cu esaki na momento di tira



klapchi. Proteha e horeanan di e muchanan cu earplugs pa e zonidonan fuerte di klapchi no daña nan oido y tambe ta bon pa tene un hemchi cu awa cerca ora cu ta tira klapchi.

Aunke temporada di klapchi ta un temporada cu hende ta disfruta, tiramento di klapchi ta menos dushi pa e mascotanan. Klapchi tin consecuencia grave pa e mascotanan. Expertonan ta segura cu e zonido di klapchi ta cuater biaha mas duro pa cacho y e ta 10 biaha mas duro pa pushi.

Animalitonan no ta necesariamente scucha zonido mas duro, pero nan ta tende mas skerpi y nan ta tende mas leu cu hende. Nan por tende hasta e klapchi cu ta wordo tira den e un otro bario, cu porta pa un persona no ta asina duidelijk, pero pa e bestianan e ta zona cla.

E zonido di e klapchinan por causa trauma cerca e mascota. Pa un bestia, e trauma no ta djis un anochi, e por keda cu efecto di e stress cu por causa cu e ta keda cu miedo pa zonidonan duro pa hopi tempo.

Un di e tips mas importante pa doñonan di bestia ta pa tene e mascotanan paden di cas, esey ta miho solucion pa e dianan cu tin kimamento klapchi, specialmente pa dia 31 di december anochi. Durante e dianan aki hopi bestia ta perde, vooral cacho, pasobra nan ta spanta y nan ta core bay.

P'esey tambe ta importante pa doñonan di mascota tin nan mascota microchipped. Den un caso cu e mascota sali huy for di cas pa motibo di miedo, e microchip ta un manera eficiente y facil pa logra haya e mascota back. Si e mascota no ta microchipped, bisti'e su banchi cu number di telefon y nomber di e doño.

Ta importante pa e mascota haya suficiente oportunidad den dia pa haci su necesidad-

nan pa asina anochi e mascota por keda full paden sin tin mester di sali.

Otro tip importante ta cu si un doño di mascota tene nan bestia paden, ta bon pa pone cierto distraccion pa e mascota. Por ehemplo cera cortina, cende radio y/of television.

Ta importante pa e mascota haya suficiente oportunidad den dia pa haci su necesidadnan pa asina anochi e mascota por keda full paden sin tin mester di sali.

Den e temporada aki tambe hopi hende ta prefera di bay den e direccion di medicamento pa trankilisa nan mascotanan, pero no semper esaki ta un bon idea. Tin hende ta cumpra pildo trankilisante na veterinario, pero no ta tur bestia ta sali bon cune y e medicamento por perhudica e mascota, den sentido cu e ta verdoof nan, pero e zonido mes ta keda activo. E medicamento por paralisa nan, pero e zonido ta keda toch fuerte y esey ta pone cu tin bestia ta bira mas nervioso.

Si un persona ta desea di duna nan mascota un medicamento asina, ta hopi importante pa busca mas informacion cerca un veterinario prome cu tuma e stap aki, sea ta pildo of algo mas natural.

Un mascota ta custuma cu su doño of cu su famia na cas. P'esey e ta menos stress pa e mascotanan ora cu tin hende na cas durante e temporada di hopi stress pa nan, pasobra nan ta sinti e presencia di nan doño of di hende. Nan ta mas trankil y nan ta relax un poco mas, pasobra nan ta sinti e compania na cas.

Por ultimo, un tips importante na e automobilistanan pa nan tambe tene cuenta cu tin hopi mascota cu ta spanta y ta sali core bay ariba caminda. P'esey ta importante pa automobilistanan pone toch un tiki mas atencion riba caminda den e dianan aki, ya cu hopi bestia cu ta sali core bay den panico cu por sufri door cu automobilistanan no ta mira nan.

Ta importante pa core na un velocidad mas slow unda por tene cuenta cu animalitonan cu ta core crusa caminda diripiente, y ta mas alerta pa mascota riba caminda.



Lotto, e Loteria di Aruba su orario pa e temporada di Fin di Aña

Lotto, e Loteria di Aruba kier a informa comunidad di Aruba ariba e dianan di sorteo y orario di oficina durante dianan di fiesta.

E sorteo pa e dianan di fiesta ta bira lo siguiente: Dia 30 di december 2024 sorteo ta normal 2:30 PM y 7:45 PM.

Dia 31 di december 2024 lo bay tin sorteo di Lotto merdia cu ta tuma lugar 2.30 PM y sorteo di anochi cu ta bira 6:45 PM, bo por cumpra bo weganan preferi di Lotto merdia te cu 2.15 PM y ano-

chi te cu 6:30 PM. Dia 1 di januari 2025 lo no tin sorteo di Lotto y desde 2 di januari 2025 en adelante, sorteo di Lotto ta sigui normal 2:30 PM y 7:45 PM.

Pa loke ta trata orario di oficina di Lotto na Playa y San Nicolas lo ta sera 31 di december, 1 y 2 di januari 2023.

Gerencia y Staff di Lotto, E Loteria di Aruba ta desea un y tur un Prospero 2025.

Lotto, E Loteria di Aruba tin diferente wegá, Catochi, Big

4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Pensioen di biehes ta aumenta cu 2.4% awe

Awe, dia 30 di december, pensioen di biehes ta aumenta cu 2.4%, segun Gabinete demisionario Wever-Croes II a informa mediante un comunicado

di prensa.

Segun e comunicado, cu e aumento aki Gabinete Wever-Croes ta cumpli cu aumento e suma di pensioen

pa di 5 biaha den ultimo 7 añanan cu ta periodo di Gabinete Wever-Croes 1 y 2. E aumento den e ultimo tempo aki tabata mas di 400 florin, cu ta representa casi 20% di



aumento. E aumento aki ta basa riba e posibilidad den ley cu por duna indexacion di e pensioen cada aña.

Prome Minister demisionario, Evelyn Wever-Croes a anuncia den su discurso nacional na comienso di luna, debi na algun logro clave cu tabata posibel danki na e espacio financiero cu Gabinete Wever-Croes a crea, Gobierno a pone prioridad pa pensionadonan.

Cu e espacio financiero, a cuminsa duna back na pensionadonan, door di e aumento di pensioen di biehes y e aumento di reparatieoeslag 4 biaha caba den e ultimo 7 añanan. Y Entrante 1 di januari 2025, e pensioen di biehes ta bolbe subi cu 2.4%. Pensionadonan ta co-

bra esaki dia 30 di december. Den total e pensioen cu nos grandinan ta ricibi a subi cu mas di 400 florin den e ultimo 7 añanan. Esaki lo sigui subi den e añanan nos dilanti, na forma responsabel, segun e comunicado ta indica.

“Gabinete Wever-Croes a traha duro pa crea un espacio financiero despues di tur reto di e ultimo añanan. Y awo ta e momento pa nos duna back na esnan cu a contribui asina hopi na crecimiento di Aruba. E aumento di pensioen ta un chempel di con nos ta inverti den futuro di nos ciudadanonan. Y di nos compromiso pa garantisa cu nos grandinan, cu a construi e pais aki, por gosa di nan biehes cu dignidad y felicidad”, Prome Minister a expresa.

Sorteo di Lotto

31 di december
Tin sorteo di merdia 2:30 PM y sorteo di anochi 6:45 PM.

1 di januari
No lo tin sorteo.

2 di januari
Tin sorteo di merdia 2:30 PM y anochi 7:45 PM.

Orario di Oficina

31 di december, 1 y 2 di januari 2025
Oficina principal di Lotto na Playa y San Nicolas lo ta sera.









www.lottoaruba.com


Norovirus a bolbe Merca cu un aumento di caso

(AP)—Casonan di un virus di stoma ta aumentando den algun parti di Merca e temporada aki, segun data di gobierno.

E cifranan mas recien for di U.S Centers for Disease Control and Prevention (CDC) ta muestra cu tabatin 91 caso di norovirus reporta durante e siman di 5 di de-

cember, un aumento for di 69 caso den e ultimo siman di november.

Cifranan di e ultimo par añanan ta muestra un maximo di 65 caso reporta durante e prome siman di december. Un infeccion di norovirus ta caracteriza pa sacamento y diarea diripiente. Brotenan ta ser observa frecuentemente



riba cruise ship, den situacionnan di vivienda unda varios hende ta biba hunto manera casnan di cuido y prison, como tambe scolnan y luganan unda hende ta reuni hunto.

Norovirus ta e causa principal di malesanan di cuminda na Merca, responsable pa 58% di infeccion adkiri den e pais tur aña, segun CDC. Norovirus ta ser causa pa un grupo di virus cu ta plama facilmente, cu menos di 10 particulo viral cu e habilidad pa haci un persona malo, expertonan di salud ta bisa.

Tin aproximadamente 2,500 caso di norovirus anualmente na Merca. E casonan por sucede henter aña pero ta mas comun entre november pa april. Hunto cu sintomanan manera sacamento y diarea, otro sintoma por inclui nausea, dolor di stoma, dolor di curpa, dolor di cabes y keintura.

Mayoria caso di norovirus ta sucede ora hende cu ya ta infecta ta plama e virus via contacto directo, manera compartiendo cuminda of forki y cuchara. E virus tambe por plama via cuminda, awa of superficienan contamina. Malesanan causa pa norovirus ta cuminsa tipicamente diripiente, cu sintomanan desaroyando dentro di 12 pa 48 ora despues di ser exposicion di e virus. Mayoria hende ta bira miho dentro di 1 of tres dia y ta recupera completa-

mente. Pero cu 19 pa 21 miyon enfermedad tur aña na Merca, norovirus ta causa en averahe 900 morto y 109,000 hospitalisacion anualmente, mayoria entre adultonan di 65 aña bay ariba. E tambe ta resulta den 465,000 bishita na clinicanan, mayoria di nan envolviendo muchanan chikito.

Hendenan di tur edad por ser infecta y bira malo di norovirus. Muchanan chikito, adultonan mayor y esnan cu sistemanan di inmuun zwak tin mas riesgo di ser infecta, cu deshidratacion como preocupacion principal pa via di sacamento y diarea.

No tin ningun medicamento pa trata norovirus. Rehidratacion ta ser recomenda, cu e excepcion di koffie, te of alcohol.

Hulanda: Recortenan den seguro di salud lo provee menos beneficio suplementario



(NLTimes)—Plannan suplementario di seguranan di salud na Hulanda ta planea pa provee menos beneficio den 2025, segun e comparacion haci pa website Zorgverzekeringswijzer.nl. E website a subraya recortenan significante den cobertura pa cuido dental, fisioterapia, y medicina alternativa, cual por resulta den dificultadnan financiero pa esnan cu ta depende riba e servicionan aki.

Na 2024, 22 politica di seguro a ofrece cobertura dental te cu 1,000 of mas. Pa 2025, e cantidad ey lo baha pa 19 politica. E website tambe a nota cu individuonan cu frecuentemente ta usa fisioterapia por experiencia dificultad den e proximo aña. “Den 2024, ainda tabatin 22 politica ofreciendo mas cu 20 sesion di fisioterapia pa aña. Den 2025, solamente 19 politica lo keda,” e website a bisa. Pa medicina alternativa, reembolso lo ser reduci significantemente. “Hende cu mester cobertura di 500 euro of mas den 2025 lo tin solamente 20 politica pa scoge, un caida for di 24 den 2024. Ademas e suma maximo pa reembolso lo reduci substancialmente,” e website a agrega. E cambianan aki por resulta den un aumento den costo propio pa individuonan cu ta depende riba cobertura comprensivo. Zorgverzekeringswijzer.nl a adverti cu e

reduccionnan aki por causa problema financiero pa hopi hende. Mientras tanto, e Consumentenbond, un organisacion di derechonan di consumidornan, ta haciendo un yamado pa prohibi “benta di pakete bundle” di seguranan, unda consumidornan ta forsa pa scoge un plan mas caro pa por tin acceso na un pakete suplementario amplio. Segun e organisacion, al menos 8 seguro ta usando e practica aki.

E seguranan identifica pa e Consumentenbond como culpable di bentanan di pakete bundle ta inclui De Friesland, FBTO, Interpolis, Menzis, Nationale-Nederlanden, ONVZ, Unive y Zorg en Zekerheid. Mester nota cu De Friesland, FBTO y Interpolis ta forma parti di e grupo Achmea, cual Consumentenbond ta bisa ta liderando e industria den benta di bundle.

E preocupacion di e organisacion ta echo un rapport for di reguladornan ACM y NZa na comienso di aña, cual a critica benta di bundle. Mientras e reguladornan ta reconoce e problema, nan a nota cu no tin prohibicion legal contra benta di bundle, cual ta nifica cu nan no por intervine. E organisacion di consumidornan awor ta haciendo yamado pa un prohibicion legislativo riba e practica aki, cual ta complica e proceso di compara plan di seguro.

CACHI CACHI

Christmas Edition

1 GANADO GARANTISA

Afi 1000,-

TUR DIA

CON PA HUNGA

CU CADA COMPRA DI 1 FLORIN PA SORTEO DI MERDIA OF ANOCHI BO TA RICIBI 1 SET DI 6 NUMBER DI CACHI GRATIS!

SORTEO DI CACHI CACHI TA TUMA LUGAR DURANTE SORTEO DI ANOCHI Y DIADOMINGO 2:00PM

Afi 1 • 1 SET DI NUMBER GRATIS!
Afi 2 • 2 SET DI NUMBER GRATIS!
Afi 3 • 3 SET DI NUMBER GRATIS!
Afi 4 • 4 SET DI NUMBER GRATIS!

MAS BO INVERTI. MAS NUMBER GRATIS BO TA RICIBI!

f x y i

www.lottoaruba.com

CAMPAÑA TA VALIDO DESDE 1 DI DECEMBER PA 31 DI DECEMBER 2024

6 detencion y 58 vehiculo confisca na Corsou durante Pasco

(CuracaoChronicle) - Durante e celebracionnan di Pasco, polis na Corsou a responde na varios incidente, incluyendo detencion, accident den trafico y e confiscacion di 58 vehiculo.

Un total di 6 persona a keda deteni, incluyendo 5 hende homber y 1 hende muhe, cu a keda deteni en conexion cu ofensanan manera agresion, violacionnan di ley di droga y kiebri di leyman di inmigracion. Polis tambe a provee asistencia na dos accident di trafico cu tabatin herido.

E prome accident a sucede dia 25 di december ora cu

un chauffeur a perde control di su vehiculo y a baha for di caminda. E departamento di bombero a ser yama pa por saca e chauffeur for di e vehiculo, mientras cu e pasajero a ser transporta pa Curacao Medical Center (CMC) cu varios herida.

E di dos accident a sucede dia 26 di december cerca di Post 5. Un violacion di preferencia a causa un accident entre 2 vehiculo, lagando 4 persona herida. 3 di e victimanan a ser hiba CMC via ambulance, mientras cu un persona a ser conseha ricibi atencion medico di su dokter di cas.

Como parti di e campanja

di “Fin di aña sin zanzaña”, polis a confisca 58 vehiculo durante e siman pasa. Mayoria di e vehiculonan aki tabatin falta di seguro adecua.

Den algun caso, e doñonan tambe a fracasa den provee un inspeccion valido di e certificado di inspeccion of nummerplaat valido. 5 vehiculo a keda debilbi na nan doño despues cu a provee e documentonan necesario.

Polis a enfatisa e importancia di cumpli cu regulacionnan di trafico y garantisa cu vehiculonan cumpli cu rekisitonan legal, specialmente durante e temporada di fiesta.



Corte Supremo di Hulanda ta responsabilisa esnan cu tin licencia Master pa e pagonan pendiente di ganancia na casino

(CuracaoChronicle) - Den un decision historico, Corte Supremo Hulandes a declara cu esnan cu tin licencia master den Corsou su industria di wega di placa ta responsabel pa garantisa cu esnan cu sub-licencia ta cumpli cu e reglanan di licencia, incluyendo paga e ganadonan. E caso aki ta enfatisa e isla Caribeense su esfuerzonan andando pa reforma su sector di wega di placa.



E decision aki ta bini for di un demanda cu un hungado di wega di placa Turko cu a gana aproximadamente 17,574 dollar na Bahsine, un casino online opera pa Trigonon Group NV bao un sublicencia di Cyberluck Cu-

raao NV. Ora cu e hungado purba saca su placa, a repentinamente cera su cuenta.

E fundacion defensor di victimanan di weganan di placa online SBGOK, lidera pa reportero Hulandes Nardy Cramm, a tuma e caso pa re-

cupera e ganancia cu no a paga. Corte a responsabilisa Trigonon y Cyberluck, enfatisando cu Cyberluck, como esun cu tin e licencia master, a fracasa den su responsabilidad pa garantisa cu un sub-licenciado cumpli cu su obligacionnan.

Cyberluck a argumenta cu e castigonan imponi tabata excesivo y inhusto, sinembargo corte a rechasa nan apelacion. E decision a reafirma cu esun cu tin e licencia master tin e responsabilidad di maneha esnan cu tin un sub-licencia y su accionnan.

Corte tambe a nota cu Corsou su sistema decentralisa di licencia a permiti mal uso amplio, empeora pa e falta di monitor y maneho. E caso aki ta mira como un paso importante den tene e operadonan di weganan di placa responsabel.

E decision aki ta alinea cu Corsou su implementacion recien di LOK, cual ta reemplasa e sistema anticua.

Bao e model anterior, companianan manera Cyberluck ta otorga sub-licencia na otro operadonan, un practica critica pa su falta di regulacion. E legislacion nobo tin meta di centralisa e maneho y monitoreo y ta rekeri esnan cu tin sublicencia transiciona na un cuadro mas robusto y responsabel.

Mientras e decision aki no ta obliga Cyberluck inmediatamente paga e ganador, e ta delinea e aumento di enfoke riba responsabilidad dentro di e sector di wega di placa entro di Corsou. E reforma y decisionnan di corte ta anticipa di proteha e hungadonan y restaura e isla su reputacion den e industria di wega di placa global.


KEM y UKPK ta considera aliansa pa eleccion den maart

(CuracaoChronicle) - E partidonan den coalicion di KEM y UKPK ta explorando e posibel aliansa pa e eleccionnan binidero dia 21 di maart 2025. E colaboracion aki por provee beneficio mutuo mirando cu ambos partido ta enfrente desafionan unico den nan caminda pa eleccion.

E proposicion pa un esfuerzo uni den medio di problemanan legal enfrente pa e lider di KEM Michelangelo Martinez, ken actualmente ta bao detencion pa cargonan di trafico di droga y labamento di placa. Adicionalmente, KEM su candidato Jason Fullink a retira su candidatura, lagando e partido cu problemanan interno den liderazgo.

E formacion di un lista electoral combina cu Raichel Sintjacob de UKPK como e ‘frontrunner’ ta bao consideracion como un solucion strategico. Pa KEM esaki lo resolve su problemanan y preocupacionnan di liderazgo. Pa UKPK, e partnership aki por ta un oportunidad pa participacion electoral directo via KEM su asiento existente.

Den e eleccion di 2021, UKPK a ricibi casi 4,000 voto, kedando net bao di e cantidad rekeri pa garantisa un asiento. Sinembargo, Sintjacob su trabao fuerte a demostra su potencial politico. El a ricibi 3,260 voto personal, cual tabata mas cu varios figura politico conoci na Corsou.



Cambionan clave di ley na Hulanda entrante 1 di januari 2025

(NLTimes) - ANP a compila su bista di e cambionan legislativo y regulatorio mas importante cu ta drenta na vigor dia 1 di januari 2025. E resumen aki ta duna un bista detaya riba cambionan den belasting, salario, transporte, beneficionan, vivienda y politica di gobierno.

E reintroduccion di un di tres grupo den e sistema di impuesto riba entrada lo reduci belasting pa tur individuo cu ta traha riba e prome 38,441 euro di nan ganashi. Sinembargo, e impacto riba esnan cu ta gana menos entrada lo ser parcialmente compensa door di un reduccion den e credito di impuesto general. Adicionalmente, belasting riba ganashi di loteria y wega di placa riba 449 euro lo subi di 30.5% pa 34.2%, aumentando e peso di belasting riba premionan significante.

E salario minimo legal lo au-



menta di 13,68 euro pa 14,06 euro pa ora, reflehando e aumento promedio di salario bou di acuerdonan laboral colectivo. Benefician mara na salario minimo, manera pagonan di AOW y WIA tambe lo aumenta proporcionalmente.

Mayornan cu ta traha lo mira reembolsan mas halto pa gastonan di cuida di mucha, ya cu e tarifican maximo pa ora pa subsidio ta ser aumentata. Otro formanan di sosten pa famianan, entre otro e bijstand pa mucha (presupuesto di kindgebonden) y e beneficio pa mucha, tambe lo haya ahustacion pa duna un

alivio adicional.

Den vivienda, prijs di huur den e sector liber lo ser permiti pa subi te cu 4.1%, mientras cu aumento di huur pa entrada mediano ta limita na 7.7%. Mientras tanto, Autoridad di Impuesto lo reanuda enforsamento di reglanan contra empleo propio falso, dirigi riba dunadornan di trabou cu ta clasifica malo trahadonan pa evita di tuma nan como empleado. Mientras cu lo emiti evaluacionnan di impuesto retroactivo, boetnan pa violacionnan lo no ser enforsa te cu 2026.

Fondo di emergencia pa pobreza energetico

E fondo di emergencia pa pobreza energetico, cu a duna asistencia financiero na casnan cu ta lucha cu recibonan di coriente, lo ser descontinua na 2025 pa motibo di contribucionnan insuficiente di sector priva. Gobierno ta explora maneranan pa redirigi e 60 miyon euro aloca an-

teriormente pa e iniciativa aki pa sostene esnan den necesidad.

Transporte publico lo mira un expansion significant den servicio. Un acuerdo nobo entre gobierno y NS lo agrega 1,600 biahe di trein semanal, incluso riba rutanen druk manera Amsterdam Central pa Aeropuerto Schiphol. Sinembargo, prijs di carga lo subi cu mas cu 6%, impactando pasajero y biaheronan.

Victimanan y nan famianan awor lo tin mas oportunidad pa papia na audiencianan di corte tocante e extension di medidanan di detencion (hubenil) di TBS, basta cu condicionnan specifico ta cumpli. Corte tambe lo permiti nan pa pidi prohibicion di contacto of localidad. Den un movimiento pa mehora transparencia di gobierno, un dashboard accesibel pa publico lo ser introduci, cu ta permiti ciudadanonan pa sigui e

progreso di nan peticionnan di Libertad di Informacion (Woo).

Funcionarionan publico recién contrata lo tuma un version actualisa di e huramento di gobierno, cu ta enfatisa igualdad, husticia, respet y servicio na e bienestar publico. Un ley nobo lo rekeri tambe pa municipio-, provincia- y otro instancianan publico envolver ciudadanonan mas efectivamente den nan procesonan di trahamento di politica, fortaleciendo participacion local den gobernacion.

Gastonan asocia cu obtencion di documentonan oficial, manera paspoort, lo aumenta un poco. E tarifa maximo pa un paspoort di adulto lo subi na 86,85 euro, compara cu 83,80 euro na 2024. Pagonan di alimento pa mucha lo ser indexa cu 6.5% reflehando crecimiento promedio di salario, loke ta elimina e necesidad di renegociacionnan anual.

Team di polis specialisa ta pone un record nobo cu 153 fugitivo captura den 2024

(NLTimes) - E team di FastNL, cu ta specialisa den captura di criminalnan mas busca, a haci un cantidad record di aresto den 2024. Di acuerdo cu cifranan comparti cu e podcast Het Misdaad bureau di NPO Radio 1, 153 fugitivo a ser aresta e aña aki, marcando un aumento significante compara cu e aña anterior.

E cantidad total di aresto e aña aki ta surpasa e cifra di aña pasa di 128 detencion,



indicando un aumento notabel den e exito di e team. FastNL su operacionnan ta sigui enfoca riba fugitivanan cu a comete crimennan serio, manera trafication di droga, crimen organisa, y ofensanan violento.

E esfuersonan di FastNL a resulta den e captura di indi-

viduonan cu ainda tabata enfrenta castigonan cu ta suma mas cu 300 dia mas den prizon. E total di e aña aki ta inclui 70 detencion na Hulanda y 83 den exterior, treciendo e cantidad total di detencion na un nivel igual na e record anterior estableci na 2021.

Un di e ultimo capturanan tabata esun di Marouane L. di 28 aña, kende a ser deteni na Heerlen, Limburg, mas tempran e siman aki. Ainda e ta enfrenta 506 dia mas di prizon. Marouane L. tabata liga

na varios actividad criminal, incluyendo envolvimento den cultivo di cannabis na gran escala, trafico di droga y posesion di arma. Su aresto tabata un victoria significante pa e team di FastNL, cu a bin ta sigui pa algun tempo.

“Nos ta contento cu e resultado di e aña aki. E aumento di detencionnan ta muestra e compromiso y efectividad di e team di FastNL den trece e criminalnan aki dilanti di husticia, tanto nacionalmente como den exterior,” un voc-

ero di e team a declara.

Marouane L. y su asociadonan, incluyendo su ruman homber y subrino, tabata bou di investigacion pa nan rolnan den e comercio di droga ilegal. Nan operacionnan tabata parti di un red mas grandi involvi den produccion y distribucion di narcotica na henter Hulanda y mas leu. Autoridadnan tabata sigui nan actividadnan pa varios luna prome cu nan a ehecuta e aresto na Limburg.

Candela a surgi den facilidad di almacenamiento di bateria di Tesla na Tilburg

(NLTimes) - Un candela a surgi diasabra den un facilidad di almacenamiento di bateria di Tesla na Tilburg, segun autoridadnan local. E candela, cu a encera baterianan cu tabata huma, a ser poni rapidamente bou di control pa e departamento di bombero.

E tripulacionnan a move e baterianan pafo y a pone nan den un container yena cu awa, conoco manera un “dunk tank,” pa fria nan. E candela a ser conteni dentro di un ora.



E candela a sucede den un warehouse situa riba Asteri-straat den area industrial di Vossenberg. E edificio a ser evacua, y a logra saca e 50 empleadonan di un manera sigur, sin ningun herido reporta. E sistema di sprinkler di e deposito a yuda evita cu e candela a plama mas den e edificio.

Na e momento aki, e causa di e candela ta keda desconoci, y un investigacion ta andando. E Region di Seguridad di Midden- y West-Brabant a confirma cu servicio di emergencia a responde mesora.

Colombia: Disidentenan di FARC a entrega curpa di soldad Jaime Estiben Penna, asesina den combate na Cauca



(infobae) – Frente Jaime FARC a entrega na zona
Martinez di disidencia di rural di municipio Suarez,

Cauca, e curpa di un integrante di Ehercito Nacional y di otro persona cu no a keda identifica, kendenan a fayece memey di combate den e zona rural di coregimento di Ortega, Cajibío.

E uniformado a keda identifica como Jaime Estiben Penna Castillo y a keda transporta pa e grupo subversivo na e coliseo principal di vereda Playarrica.

Den declaracionnan compila pa corant El Pais de Cali, Jimmy Saavedra, kende a identifica como encarga di e frente guerrillero, a indica cu “den e operacion a extrae dos curpa di e area pa preserva nan, manera ta indica den Derecho Internacional Humanitario.

Un di e fayecidonan ta un paramilitar cu no a keda identifica, y e otro ta un soldad profesional ken su nomber ta Jaime Estiben Penna Castillo. Nos a entrega e dos curpa aki na Comité Internacional di Cruz Cora pa boso haci lo correspondiente y entrega nan na nan familiar nan.”

Delegadonan di Cruz Cora a pone Jimmy Saavedra, responsable di entrega di e curpanan, firma varios documento. Además, a realiza un yamado pa gruponan arma pa haci e cumplimiento debido di Derecho Internacional Humanitario cu ta establece cu mester trata e fayecidonan cu dignidad.

Mexico: Autoridadnan ta haya 11 graf clandestino cu 15 curpa cerca di frontera cu Guatemala



(AP) — Diesun graf clandestino cu curpa di 15 homber a ser haya den estado sur di Mexico, Chiapas, unda un disputa entre e cartelnan di Sinaloa y Jalisco Nueva Generacion ta tumando lugar, segun autoridadnan local a bisa diadomingo.

Gobernador di Chiapas, Eduardo Ramirez Aguilar a bisa riba su rednan social cu e hallazgonan tabata resultado di un inval den ciudad di La Concordia, cerca frontera di Mexico cu Guatemala. El a bisa cu cuatro persona conecta na e caso a keda aresta cu arma y droga.

Oficina di fiscal estatal a bisa den un declaracion cu e inval a tuma lugar na dos diferente propiedad. E prome sitio tabatin tres curpa den tres graf, y na e di dos taba-

tin ocho graf cu 12 curpa.

“Mester menciona cu pa e tres operacion aki, a usa herment tecnologico manera drone y geo-radar, además di buskeda for di aire, riba tera, forensico riba e campo, excavacion y drill,” segun e declaracion.

Fiscal General di Chiapas, Jorge Luis Llaven Abarca a bisa siman pasa cu otro graf clandestino cu curpanan kima a ser haya na Emiliano Zapata, bisña di La Concordia, pero no a duna mas detaye pa motibo di e mal estado di e curpanan pa identificacion.

E disputa tocante ruta di droga, trafico di migrante y arma a laga mas di 10mil persona desplasa den añanan recien, incluyendo Mexicanonan huyendo bay Guatemala, segun rapportnan di organisacionnan humanitario.

DIALUNA 30 DI DEC

LOTTO DI DIA

Pagara di Fin di Aña!

ROLLODOWN

AFL 150.000

Ganador Garantisa!

Si no tin ganado cu 5 number bon, e ta bay na esun cu tin 4 number bon y asina e ta keda roll down te ora tin ganado!

Corda pidi pa bo Facilito y gana premio cash instantaneo!

www.lottoaruba.com

loto
Cambiando bida...

Gobierno ta confirma cu delincuencia ta keda halto na Cuba

(CiberCuba) – E regimen Cubano no tabatin otro opcion mas cu admiti cu e delincuencia ta keda halto na e pais, despues di un año durante cual rednan social

ta desborda cu denuncianan di hechonan violento di tur tipo, dilanti e silencio di e medionan oficialista.

E gobierno a traves di su cuenta di Twitter a comparti un mensahe den cual nan ta sigura cu un di nan prioridatnan ta reduci e delincuencia, corrupcion, ilegalidatnan y indisciplinan social, mediante prevencion y enfrentamento.

Segun e informacion, durante 2024 e registro di delincuencia “ta keda eleva, cu tendencia na disminucion.” Y ta agrega cu e hechonan cu ta afecta e criaminto di bestia ta disminui.

E gobierno ta mantene nan punto bisando cu delincuencia ta bahando na Cuba, a pesar cu e poblacion no ta nota esaki.

Den luna di october, e ministerio di Interior (MININT) a revela cu na final di luna di augustus e registro di delincuencia a keda halto, pero a agrega cu e hechonan a baha compara cu e mesun periodo di e año anterior.

“Aunke tin avanse den algun asunto y indicadonan, e pueblo ainda no ta wak e resultadonan, y p’esey nos ta traha. No obstante, algun tendencia ta refleha cu e enfrentamento ta cuminsa duna resultado, pero esaki ta bay bira palpabel ora cu e pueblo por percibi esaki,” e prome minister Manuel Marrero Cruz a señala e tempo ey.



Dianan prome, e vice presidente di e Tribunal Supremo, Maricela Sosa Ravelo, a sigura na e cadena Britanico BBC cu e inseguridad na e isla ta un problema maximisa pa e rednan social y a culpa e campanñanan difamatorio promovi for di Merca. El a sigura cu e Cuerpo di Polis tin un indice halto di exito den resolucian di crimennan y cu e poblacion tin confiansa den e sistema di husticia Cubano.

Sinembargo e realidad ta hopi diferente na loka e dirigenenan ta presenta. Cada dia e denuncianan riba rednan social, caminda e ciudadanonan ta acudi pa expone nan problemanan y falta di proteccion di polis, ta aumenta.

E asesinatonan, asalto, incluso den pleno luz di dia, ta frecuente den e kehonan di e ciu-

dadanonan Cubano, cu ya no ta sinti e supuesto seguridad cual antes e gobierno tabata gaba.

E Observatorio Cubano de Auditoria Ciudadana (OCAC) a reporta un aumento alarmante den criminalidad durante e prome semester di 2024, cu un promedio diario di 2,37 crimen, loke ta representa un aumento di 152% compara cu e mesun periodo di e año anterior. Esaki ta contrasta cu e declaracionnan oficial cu ta sugeri un bahada den delincuencia.

E crisis economico, corrupcion y crimen organisa ta e factornan clave den e aumento di e criminalidad na Cuba. E falta di recursonan basico y e aumento di inflacion a genera un clima di inseguridad generalisa, empeora pa un respuesta gubernamental percibi manera insuficiente.

Trinidad y Tobago: Cantidad record di asesinato ta lanta yamado urgente pa accion



(TrinidadExpress) - E culpa pa e cantidad di asesinato di e pais no por ta na pia di e Servicio di Polis di T&T (TTPS) so, expertonan di seguridad nacional a bisa. Esaki despues cu prome minister Dr. Keith Rowley y Comisario di Polis Erla Christopher a expresa decepcion siman pasa riba e cantidad di asesinato te awor den 2024.

E consultor di seguridad y ex director ehecutivo di e Centro Nacional di Operacionnan (NOC) Garvin Heerah a bisa cu Trinidad y Tobago a yega na un punto critico.

“Cu e tasa di homicidio cu ta surpasa 614 y ta subi, nos ta enfrente cu un realidad fuerte: criminalidad y rednan criminal a tuma control, demostrando un falta di respet enorme pa ley y e bida di ciudadanonan cu ta cumpli cu ley,” el a bisa.

“Criminalnan no tin miedo mas di e Servicio di Polis di Trinidad y Tobago (TTPS); enbes di esey, nan ta actua cu impunidad, encurasha pa un creencia cu nan ta intocabel. E consecuencianan di e crisis aki ta devastador,” el a agrega.

Heerah a sigui bisa cu famianan ta di luto, comunidatnan ta paralisa pa miedo, y e telames di e sociedad ta desapareciendo. “Esaki ta un emergencia nacional cu ta exige un contesta audaz y decisivo,” el a bisa den un contesta via e-mail na preguntanan.

El a bisa cu mientras TTPS ta haci esfuersonan, e ta keda abruma pa e alcance y escala di e problema. Corupcion dentro di e filanan a dañá mas ainda e confiansa publico y a amplia e buraco entre ciudadanonan y

enforsamento di ley. “Criminalnan a capitalisa riba esaki, birando mas y mas despiada y organisa. Grouponan di Crimen Organisa (OCG) y gangnan a hancra nan mes, operando rednan sofisticada cu ta trafica droga, arma y bida humano. Ta bisto cu e structuranan existente no ta suficiente pa cumpli cu e menasa aki. Cambionan incremental y medidanan reactivo no ta adecua mas,” el a señala.

“Loka Trinidad y Tobago mes-ter urgentemente ta un unidad tactico specialisa, un Oficina Nacional di Investigacion (NBI), manda pa dismantela crimen organisa, dismantela rednan di gang, y restaura seguridad publico,” Heerah a sugeri.

El a presenta cu NBI por ta un unidad di multiple agencia cu tur recurso cu ta opera independientemente di TTPS, pero den colaboracion estrecho cu nan y otro instancianan di seguridad nacional.

E lo asisti den dismantela criminalidad organisa door di identifica, infiltra y dismantela OCGnan door di dirigi riba nan liderazgo, rednan financiero y infraestructura operacional; atende cu violencia di gang door di usa inteligencia predictivo y operacionnan tactico pa preveni y stroba actividad di gang, specialmente den areanan di riesgo halto; tene criminalnan responsabel a traves di tecnicanan avansa di investigacion y colaboracion di fiscal pa garantisa cu criminalnan ta ser treci dilanti di husticia lihe y efectivamente; y restaura miedo pa ley, door di opera cu precision y forsa, pa manda un mensahe cla pa criminalnan cu e Estado ta den control.

Bon AÑA

“Exito no ta e yabi pa felicidad. Felicidad ta e yabi pa exito. Si bo stima loke bo ta hasi, lo bo tin exito den bo man.” — Albert Schweitzer.

Cu bo año nobo lo ta un yen di felicidad y exito.

2025

SCHOTLANDSTRAAT 79 | T. +297 582 3099

WWW.MEDERINV.COM

Hues ta dicidi cu muhe acusando Jay-Z y Sean Combs di violacion por continua anonimamente

(AP) - Un muhe di Alabama cu acusa Jay-Z y Sean 'Diddy' Combs di violacion ora cu e tabatin 13 aña por sigui anonimamente, pa awo, den su demanda contra e magnatnan di rap segun decision di hues.

Den su ordo por escrito, Hues Analisa Torres tambe a zundra e abogado cu ta representando Jay-Z pa loke e ta describi como su mocionnan cu intencion di combate y "lenguahe inflamatorio" contra e victima su abogado, yamando nan inapropia.

E hurista di Manhattan a bisa cu e muhe por sigui di manera anonimo den e etapa trempan di e caso, sin embargo ta posibel pa rekeri cu e mester revela su identidad mas adelante, si e caso sigui cana. Esaki lo permiti e abogadonan di defensa colecta e evidencia necesario pa prepara pa e



huicio. Torres tambe a cinta "interes substancial" di e publico.

Combs ta keda deteni na New York wardando un huicio criminal pa cargonan di trafico sexual federal. Tambe e ta enfrente un ola di demandanan di agresion sexual, varios cual a ser entrega pa e victima su abogado, Tony Buzbee, un abogado di Texas ken su firma ta representa mas di 150 persona, ambos hende homber y hende muhe, ken ta alega abuso sexual y explo-

tacion di parti di Combs. E demandanan ta acusa cu varios individuo a ser abusa na fiestanan cu a tuma luga na New York, California y Flroida despues di a ricibi bebidanan intoxica cu droga.

Combs su abogadonan a desmenti Buzbee su demandanan y categorisa nan como "publicidad sin berguensa, diseña pa saca placa for di celebridadnan cu tin miedo cu mentira lo plama tocante nan, di mesun manera cu mentira

a plama tocante Mr.Combs." Jay-Z a bisa den un declaracion cu Buzbee ta purbando di blackmail su persona pa yega un areglo den e caso di e muhe di Alabama.

Buzbee a bisa den un email cu su firma no ta duna comentario riba decisionnan di corte.

Den su demanda, e muhe cu a acusa e violacion ta identifica su mes como "Jane Doe." El a bisa cu e tabata bibando na Rochester den aña 2000 ora cu el a yega New York City y a cera un amistad cu chauffeur di limousine cu a hiba su persona na e after-party di MTV Music Awards, unda e ta bisa eventualmente el a ser ataca pa Jay-Z y Combs.

Alex Spiro, un abogado di Jay-Z, a pidi hues pa retira e cantante for di e muhe su demanda y a pidi un audiencia pa e caso e dia despues cu el a entrega su peticion por escri-

to. El a cita un entrevista di e victima, unda algun inconsistencia a ser nota. Pa cu esaki, e muhe en cuestion anteriormente a admiti cu tin inconsistencia den su declaracion.

Torres a skirbi den su ordo diahuebs cu Spiro, ken tabatin menos di 3 siman riba e caso, a entrega un "litania di carta y mocion purbando di impugna e caracter di e victima su abogado, varios di nan exponiendo e supuesto 'urgencia' di e caso aki."

Referiendo na Jay-Z pa su fam legal, e hues a agrega cu: "Carter su abogado su entrega di mocionnan cu ta contene lenguahe inapropia y atakenan ad hominem ta inapropia, un perdida di recursonan hudicial y un tactica cu ta tiki probabel di yuda su cliente. Corte no lo apresura e proceso hudicial solamente pasobra un abogado a existi esaki."

Olivia Hussey di 'Romeo and Juliet' ta fayece cu 73 aña

(AP) - Olivia Hussey, e actriz cu a actua como un Juliet hoben den e pelicula di 1968 "Romeo and Juliet," a fayece, segun su famia a informa riba rednan social diasabra. E ta-

batin 73 aña.

Hussey a fayece riba diabierna, "den paz na cas rondona pa su sernan keri," un declaracion publica riba su cuenta di Instagram a bisa.

Hussey tabatin 15 aña ora cu e director Franco Zeffirelli a contrata su persona den e adaptacion di e storia conoci di William Shakespeare despues di a mir'e ta actua riba escenario den e show



di "The Prime of Miss Jean Brodie," ken tambe tabatin Vanessa Redgrave den e elenco.

"Romeo and Juliet" a gana 2 Oscar y Hussey a gana un Golden Globe di Best New Actress pa su rol como Juliet, banda di e actor Leonard Whiting, ken tabatin 16 aña e tempo aki.

Decadanan despues Hussey y Witing a trece dilanti un demanda contra Paramount Pictures alegando abuso sexual, acoso sexual y fraude a causa di e escenan desnudo den e pelicula.

Nan a acusa cu inicialmente nan a ser bisa cu nan lo bisti paña cu ta di color di nan tono di piel den un escena den camber, sin embargo riba e dia di e grabacion Zeffirelli a bisa cu nan lo tin make-up riba nan curpa so y cu e camara lo ta posiciona di un manera cu no lo muestra nan curpa sin paña. Nan a acusa cu nan a ser graba sin nan consentimiento.

E caso na final a keda retira

pa un hues di Los Angeles County den 2023, ken a haya cu nan definicion no por ser considera pornografia infantil y cu nan a entrega nan keho demasiado laat.

Whiting tabata entre esnan cu a duna tributo na Hussey diasabra. "Descansa awo mi bunita Juliet, ningun inhusticia por causa bo daño awo. Y e mundo lo recorda bo beyesa paden y pafo pa semper," el a skirbi.

Hussey a nace dia 17 di April den 1951 na Buenos Aires, Argentina, y a muda pa London ora cu e tabata un mucha. El a studia na e scol di drama Italia Conti Academy.



Prospero aña 2025 pa tur

SERVICIO DI SVb DURANTE DIANAN DI FIESTA
Dialuna 30 december SVb ta cera pa 12or di merdia
Notificacion di AO

Diamars 31 di december 2024
 MiSVb Trahado app 7am - 11am
 5272782 7am - 11am

Diaranson 1 di januari 2025
 MiSVb Trahado app 7am - 11am (unicamente)

diahuebs 2 di januari 2025
 MiSVb Trahado app 7am - 11am
 5272782 7am - 11am

Tur otro oficina ta cera pa publico durante di e dianan aki.

SVb
 SEGURIDAD PA ARUBA SU COMUNIDAD

Bad Bunny ta anuncia album nobo, ‘Debí Tirar Más Fotos’

(AP)—Feliz dlanan di fiesta di parti Bad Bunny, ken a anuncia diahuebs siman pasa cu e lo saca un album nobo dia 5 di januari.

‘Debí Tirar Más Fotos’ ta su di seis album musical y ta sigui su tradicion di saca musica nobo riba dlanan inespera. Su album debut, ‘X 100PRE’ di 2018, a sali rond di Pasco y ‘1 Último Tour del Mundo’ rond di Thanksgiving. Su fecha di publicacion na januari ta net prome cu Dia di Tres Rey, y ta cay riba un diadomingo—no manera e diabierna tradicional di e industria.



E musico Portorriqueño a anuncia e noticia aki riba Instagram den un video corto cu director Jacobo Morales. Tambe el a saca un single nobo yama “PIToRRO DE COCO.”

Un dia prome, Bad Bunny a publica un muestra di track list di 17 cancion riba red social, cu cada cantica titulo “BOMBA”, kisas refiriendo na e estilo musical y baile Portorriqueño. “Debí Tirar Más Fotos” ta sigui su album di 2023, “Nadie Sabe Lo Que Va a Pasar Mañana”, cual a haya un evaluacion mixto. Riba e album ey, e reggaeton di Bad Bunny tabata limita,

den su lugá bolbiendo back na e genero di trap Latino di “X 100PRE” den canticanan manera “MONACO” y “GRACIAS POR NADA.”

E anuncio ta cera un año druk pa El Conejo Malo. Bad Bunny a gara atencion despues cu el a muestra sosten pa vice presidente Mericano Kamala Harris net despues cu un comediante na un rally di Donald Trump a haci chistenan inadecua tocante Latanonan y a yama Puerto Rico un “isla di sushi”. Tambe el a tour Nort America riba su “Most Wanted Tour,” cual a pone riba e lista di AP su miho conciertonan di año.

Modelo innovativo Dayle Haddon ta muri di supuesto envenenamento di koolmonoxide



(AP)—Dayle Haddon, un actor, activista y ex-modelo innovativo di “Sports Illustrated” ken a pusha contra discriminacion di edad por medio di debolbe na e industria como un viuda, a muri den un cas na Pennsylvania di loke autoridadnan ta kere tabata envenenamento di koolmonoxide.

Autoridadnan na Bucks County a descubri Haddon, 76, morto den camber diabierna mainta despues cu respondientenan di emergencia a ser notifica tocante un persona fo’i tino na e hogar. Un homber di 76 año identifica despues como Walter J. Blucas a ser hospitalisa den condicion critico. Respondientenan a detecta

nivelnan halto di koolmonoxide riba e tereno y polis a bisa diasabra cu investigadornan a determina cu “un tubo kibra di e sistema di calentamento di gas a causa koolmonoxide pa leak.” Dos medico a ser traslada pa hospital pa exposicion na koolmonoxide y un agente policial a haya tratamiento na e sitio. Como modelo, Haddon a aparece riba Vogue, Cosmopolitan, Elle y Esquire den añanan 1970 y 1980, como tambe e edicion di 1973 di Sports Illustrated. Tambe el a aparece den aproximadamente 20 pelicula entre 1970 y 1990, segun IMDb.com, incluyendo “Bullets Over Broadway” na 1994. Haddon a stop di modela despues di haya su yiu muher, Ryan, den añanan

1970, pero despues mester a debolbe trabao despues cu su casa a fayece na 1991. E bi-aha aki, el a haya e industria menos amable: “Nan a bisa mi, ‘cu 38 año, bo no ta sirbi mas,’” Haddon a conta The New York Times na 2003. Trahando pa un agencia di aviso, Haddon a cuminsa tuma contacto cu companianan cosmetico, bisando nan cu tabatin un mercado creciente pa vende productonan di beyesa na baby boomers. Eventualmente el a haya un

contract u Clairol, despues Estée Lauder y L’Oreal, pa cual el a promove e productonan anti-embebecimento di e compania pa mas cu un decada. Tambe el a anfitriona segmentonan di beyesa pa “The Early Show.”

“Mi a sigui modela, pero den un otro manera,” el a conta The Times. “Mi a bira vocero pa mi edad.” Na 2008, Haddon a funda WomenOne, un organisacion cu e meta pa avansa oportunidad educacion pa mucha

y hende muhe den comunidadnan marginalisa, incluyendo Ruanda, Haiti y Jordan. “I kept modeling, but in a different way,” she told The Times. Yiu muhe di Haddon, Ryan, a bisa riba red social cu su mama tabata “e campeon di tur hende. Un inspiracion pa hopi.”

“Un curason puro. Un bida interno rico. Inspirando asina hopi bida. Un bida bon biba. Descansa den claridad, Ma,” el a bisa.



Djokovic ta bisa cu hungadornan a “keda den scuridad” tocante e violacionnan di doping di Sinner y Swiatek

(AP)—Un dia prome cu e regresa riba e pista di corte, Novak Djokovic a comenta riba e casonan di doping den tennis y a critica loke el a haya ta standardnan dobel den e deporte.

E ex-number 1 mundial, ken awo ta persiguiendo un record di 25 titulo Grand Slam durante e Australia Open otro luna, a expresa su frustracion ayera pa a “keda den scuridad” tocante e caso di doping di Jannik Sinner. Djokovic ta e miho hungador den e torneo internacional na Brisbane e siman aki, haciendo su prome aparencia na e evento desde 2009. Tambe e lo hunga den team cu Nick Kyrgios den doubles, cu e duo habriendo e partido awe. Pafo di e pista, Djokovic a

comparti su comentario ayera riba e criticanan fuerte cu Kyrgios a haci prome, papiando tocante e caso di doping andante envolviendo hungador number 1 mundial Jannik Sinner.

“Mi no ta cuestionando si (Sinner) a tuma substancia prohibi intencionalmente of no,” Djokovic a bisa durante un conferencia di prensa ayera na Brisbane. “Nos tabatin hopi hungador den pasado y actualmente bao sospecha pa no ni test positivo pa substancianan prohibi.”

“Algun hungador cu ranking mas abao ta wardando pa nan caso ser resolvi ya pa mas cu un aña caba. Mi ta hopi frustra...pa mira cu nos a keda den scuridad pa al menos cinco luna (riba e caso di Sinner).”

E International Tennis Integ-

rity Agency (ITIA) a acusa ambos Sinner y ex-number 1 femenino Iga Swiatek di violacion anti-doping na comienso di anja.

Sinner a test positivo dos biha pa un steroid anabolico na maart pero a scapa un prohibicion despues cu ITIA a dicidi cu e no tabata culpable. E World Anti-Doping Agency a apela e decision. Swiatek a acepta un suspension di nueve luna na november despues di test positivo pa e substancia trimetazidine.

Djokovic a sigui critica e falta di transparencia for di autoridatnan di tennis relacionando e violacionnan di doping. “E ATP no a papia riba dje extensivamente. Pakico nan a scondi’e for di publico? Nos ta mira e caso di Simona Halep riba e WTA Tour, awor e caso di Iga Swiatek,” Djokovic a bisa.



“E no ta un bon imagen pa nos deporte. Mi ta djis cuestionando e manera cu e sistema ta traha y pakico cierto hungador no ta ser trata mescos cu otro. Porta algun motibonan di ranking ta tras di dje, of algun hungador tin mas sosten financiero y un team legal mas fuerte pa

aborda e casonan aki.”

A pesar di su frustracion, Djokovic a keda enfoca riba e temporada binidero. Despues di haya operacion riba su ruidia na comienso di aña, el a regresa pa alcanza e final di Wimbledon pero a perde e ATP Finals, unda Sinner a cera un temporada dominante cu su di ocho titulo.

Fanaticonan di Ajax ta prohibi di asisti na partido contra AZ Alkmaar pa motibonan di seguridad

(NLTimes)—Apoyantenan di Ajax no lo ta permiti pa asisti na e partido di Copa Hulandes contra AZ Alkmaar dia 14 di januari, segun e municipalidad di Alkmaar a anuncia. A tuma e decision pa

sigura seguridad publico y mantencion di ordo durante e evento.

E municipalidad a cita incidentenan durante partidonan di liga e luna aki entre AZ y Ajax, unda fanaticonan di

Ajax “a comporta extremamente malo” por medio di redada un cafe di apoyantenan den e centro di ciudad na Alkmaar. E conflicto a produci un reaccion fuerte for di fanaticonan di AZ, ken a purba sali for di e stadion



pa confronta e apoyantenan di Ajax. Polis na Noord Holland a ser desplega pa restaura ordo.

Alcalde di Alkmaar Anja Schouten a expresa preocupacion tocante posible represalia pa fanaticonan di AZ durante e proximo partido. “No ta claro si esaki lo sucede paden of pafo di stadion y den ki forma,” el a bisa. El a agrega cu incidentenan asina por pone presion riba recursonan policial den e region.

“E exclusion di apoyantenan di Ajax ta reduci e menasa aki significamente, permitiendone capacidad di polis ser aloca otro caminda,” Schouten a bisa.

Schouten tambe a referi na e demanda significante riba recursonan policial prome cu e cumbre di NATO na Den Haag na juni. Aproximada-

mente 27,000 agente—casi mita di e forza policial Hulandes—ta desplega pa sigura e evento. Autoridatnan policial a urgi municipalidadnan pa limita eventonan grandi durante e periodo aki pa preserva recursonan. “Polis mester planea y coordina nan capacidad cuidadosamente,” Schouten a bisa.

Ajax a rechasa e decision, yamando e un medida restrictivo. Sinembargo, Schouten a clarifica cu e prohibicion no ta un castigo colectivo contra fanaticonan di Ajax. “No tin fondo pa un sancion colectivo, pero e medida aki ta reduci e riesgo di strobamento publico,” el a bisa. “Ta un decepcion cu comportamiento malo di algun fanatico ta resulta den un medida asina drastico.”



Naomi Osaka ta declara cu e no lo keda pa hopi tempo den tennis si e no mira resultado

(AP) - Campeon di 4 Grand Slam Naomi Osaka a bisa cu e “no lo keda” den tennis si su resultadonan no cumpli cu su expectativanan halto.

E hungado Hapones di 27 aña lo hunga su prome wega desde cu el a sufri un lesion na su lomba den China Open den october na ASB cu ta tumando luga na Auckland awe.



Osaka a duna comentario na un conferencia di prensa na Auckland diadomingo unda el a “haya humildad” for di su forma den 2024, den cual el a sigui su carera profesional despues di un break di casi 15 luna pa e nacemento di su prome yiu. El a caba e temporada den posicion number 58.

“Mi no ta kere mi ta e tipo di hungado cu lo keda den e deporte,” Osaka a bisa e reporteronan presente. “Mi tin hopi respet pa tur e hungadonan riba tour, pero e etapa di bida den cual mi ta awo, si mi no ta riba di un cierto posicion, mi

no ta mira mi mes ta hunga pa hopi tempo. Mi ta prefera pasa e tempo aki cu mi yiu, si mi no ta unda mi mester ta y unda mi ta sinti mi por ta.”

Osaka tabatin un record di 22 victoria y 17 perdida den 2024, yegando kwart di final na Doha y na St-Hertogenbosch na Hulanda.

“Mi ta kere cu 2024 a duna mi humildad, pero tambe mi ta sinti cu mi a crece hopi,” el a bisa. “Mi a traha hopi mas duro di loke mi a yega di traha antes. Pues di e banda ey, mi ta kere e tabata hopi doloroso

pa no haya e resultadonan cu mi tabata kier, pero mi ta sinti cu mi ta creciendo y siñando y mi ta hopi emocionada pa e aña nobo aki.”

“Mi a hunga hopi bon weganan. Hende te ainda ta papia cu mi tocante mi wega contra Iga na e French Open (perdi cu 7-6, 1-6, 7-5). Pues mi ta contento cu mi por a duna hende memorianan tambe. Aunke mi a keda herida na Beijing, cual tabata mi ultimo torneo, mi ta sinti hopi optimista tocante con e wega aki lo a termina (contra Coco Gauff) y mi ta emocionada pa

hunga atrobe.”

Osaka a gana Australian Open den 2019 y 2022 y US Open den 2018 y 2020. E ta bisa cu ainda e tin un amor profundo pa tennis, apesar di atrasonan recién causa pa lesion.

“Mi tin desde cu mi tin 3 aña ta hunga tennis y un gran parti di esaki mi ta debe na mi mayornan, pero nunca mi a mira mi mes ta haci algo

otro,” el a declara. “Despues, mi tabata ey y a ricibi e oportunidad di haci otro cosnan, mi a realisa cu mi ta prefera hunga tennis. Pues e tabata un di e momentonan ey unda bo ta realisa cu bo a pensa cu bo ta obliga di haci algo, pero en realidad, berdaderamente bo ta stima haci esey hopi.”

Osaka lo hunga contra Lina Glushko di Israel den e prome ronda di ASB Classic.



Victor Wembanyama ta hunga schaken cu fanaticonan na New York



(AP) - Victor Wembanyama a bay un parke na New York City y a hunga cu fanaticonan riba diasabra, te hasta perdiendo algun wega, pero no den basketball.

Wemby tabata hungando schaken, y esaki no tabata un idea cu a sali di nada: E sa con pa hunga y te hasta a hiba su propio set di schaken.

Prome cu San Antonio Spurs a bay for di New York pa Minnesota, Wembanyama

a haci e yamado riba rednan social” Ken kier topa cu mi na e skina di SW Washington Square Park pa hunga schaken? Ami t’ey,” Wembanyama a publica.

Tabata 9:36 di mainta y hende a cuminsa yega casi inmediatamente.

Washington Square Park ta un sitio conoci pa hunga schaken na New York - Bobby Fischer ta entre otro famosonan cu a hunga aki, y el ser usa den varios pelicula cu tin

e wega aki aden. Wembanyama tabata na e sitio pa un ora den yobida, for di alrededor di 10or di mainta te cu 11or di mainta. El a hunga 4 wega, ganando 2 y perdiendo 2 - el a conta Bleacher Report cu ambos perdida tabata contra hungadonan di schaken profesional - prome cu el a bay riba e vuelo di Spurs.

Wembanyama tabata purbando di bay hunga schaken na un sitio pa gran parti di e ekipo su tempo na New York - su ekipo Spurs a hunga



contra Knicks riba Pasco y a gana na Brooklyn diabierna anochi. E schedule nunca a duna espacio pa esaki, te cu diasabra mainta. Y hasta cu mal tempo, el a tapa bon pa por logra esaki. El a pose pa potret cu algun decena di hende cu a presenta, wantando un mainta di

yobida friu pa hunga schaken cu un di e nombrenan mas grandi di NBA. “Nos mester un torneo di schaken entre e hungadonan di NBA so, e ganashi ta bay e fundacion di caridad di escogencia di e ganador,” el a skirbi riba rednan social despues cu su trip di schaken a caba.

China ta sanciona 7 compania a causa di asistencia militar cu Merca a duna Taiwan

(AP) - Gobierno di China a pone sancion contra 7 compania Mericano dia-bierna como respuesta na e anuncio recien di Merca di haci benta militar y sosten na Taiwan, un isla cu gobierno propio, cu China ta bisa ta parti di su teritorio.

E sancionnan tambe a bini den respuesta na aprobacion recien di e gobierno Mericano su proposicion anual di gasto den defensa, cual un declaracion di Ministerio di Exterior di China a bisa ta "incluir varios seccion negativo contra China."

China ta contra asistencia militar Mericano pa Taiwan y hopi biaha ta impone sancion riba e companianan relaciona despues cu un benta of paquete di sosten keda anuncia. E sancionnan generalmente tin un impacto limita, pa motibo cu e companianan di defensa Mericano no ta bende arma ni otro articulonan militar pa China. Merca ta e proveedor principal di arma pa Taiwan su defensa.

E 7 companianan sanciona ta Insitu Inc., Hudson Technologies Co., Saronic Technologies, Inc., Raytheon Canada, Raytheon Australia, Aerokomm Inc. y Oceaneering International Inc., e Ministerio di Exterior a informan den su declaracion. El a bisa cu "ehecucionan relevante" di e companianan aki tambe a ser sanciona, sin duna ningun number.

Cualquier bienes cu nan tin na China lo ser congela y organisacionnan y individuonan na China ta prohibi di ehecucion cualquier actividad cu nan, el a bisa.

Presidente di Merca Joe Biden siman pasa a autorisa te hasta 571 miyon dollar den material y servicicionan di Departamento di Defensa y educacion militar cu training pa Taiwan. Por separa, e Departamento di Defensa a anuncia 295 miyon dollar den benta cu a keda aproba.

E proposicion di defensa Mericano ta aumenta e gastonan militar na 895 biyon



dollar y ta dirigi e recursonan na un strategia mas basa riba confrontamento cu China. E ta establece un fondo cu por ser usa pa manda recursonan militar na Taiwan di mesun manera cu Merca a sostene Ucrania. Tambe e ta expande un prohibicion riba compranan militar Mericano

di productonan Cines cu un rango di tecnologia di drone na 'garlic' pa comisarianan militar.

Zhang Xiaogang, un vocero di Ministerio di Defensa di China a bisa anteriormente e siman aki cu Merca ta aumentando e "supuesto" me-

nasa di China pa hustifica gastonan militar aumenta. "Merca su gastonan militar ta esun mas halto na mundo y ta keda aumenta tur aña," el a bisa na un conferencia di prensa. "Esaki ta expone e naturalesa di Merca y su obsesion cu expansion."

Maryland ta demanda creador di Gore-Tex a causa di contaminacion

(AP) - Maryland ta demandando e compania cu ta produci material a prueba di awa Gore-Tex cu hopi biaha ta usa pa jacketnan pa yobida y otro articulonan pa uso den aire liber, acusando cu su lidernan a keda usa 'forever chemicals' (kimiconan cu ta dura pa semper) ainda despues di a haya sa tocante e riesgonan serio na salud cu ta asocia cu nan.



E keho, cual a keda entrega siman pasa na corte federal, ta enfoca riba un cluster di 13 facilidad na Maryland opera pa W.L. Gore & Associates basa na Delaware. E ta acusa cu e compania a contamina aire y awa rond di su facilidadnan cu substancianan per-y polyfluoroalkyl, poniendo den riesgo e salud di e comunidadnan alrededor mientras nan tabata genera ganashi.

E demanda ta agrega otro acusacionnan entrega den añanan recien, incluyendo un demanda colectivo di parti di e residentenan di Cecil County den 2023 y exigiendo pa Gore cubri e gastonan di sistemanan di filtracion di awa, gastonan medico y otro

dañonan asocia cu decadanan di contaminacion dañino den e comunidad.

"PFAS ta conecta na cancer, sistema inmunologico debilita y por te hasta causa daño na e habilidad di haya yiu," Maryland su Procurador General Anthony Brown a bisa den un declaracion. "E ta inaceptabel pa cualquier compania conscientemente contamina nos awa potabel cu e toxinanaki, poniendo e residentenan di Maryland den riesgo di condicionnan di salud severo."

Vocero di Gore Donna Leinwand Leger a bisa cu e compania ta "sorprendi pa e deci-

sion di Procurador General di Maryland di inicia accion legal, particularmente den bista di nos accion proactivo y colaborativo intensivo cu reguladornan di estado durante e ultimo 2 aña. Nos ta bin ta trahando cu Maryland, haciendo uso di e ciencia y tecnologia mas confiabel pa evalua e posibel impacto di nos operacionnan y guia nos esfuersonan colaborativo y andando pa proteha e ambiente," e compania a bisa den un declaracion, notando un rapport di december 18 cu ta contene casi 2 aña di resultado di test di awa.

Sinembargo abogado Philip Federico, ken ta representa

e victimanan den e demanda colectivo y otro demandanan contra Gore, a yama e compania su esfuersonan "Demasiado tiki, demasiado laat." Mientrastanto, el a bisa, e residentenan ta sigui sufri - un di su clientenan recientemente a ser diagnostica cu cancer di higra. "E ta contaminacion corporativo tipico," el a bisa. "Nan no tin ningun sentido di urgencia pa drecha e problema."

E kimiconan sintetico ta specialmente dañino pa motibo cu nan ta casi indestructible y por keda aumenta den varios ambiente, incluyendo e curpa humano. Ademas di cancernan y problemanan den sistema inmunologico, exposicion na cierto nivelnan di PFAS ta conecta na nivelnan di colesterol aumenta, problemanan di salud reproductivo y atrasonan den desaroyo di mucha, segun Environmental Protection Agency.

Lidernan di Gore a fracasa den adverti e hendenan bibando cerca di su facilidadnan na Maryland tocante e posibel impacto, cu intencion di proteha nan imagen corporativo y evita responsabilidad,

segun e estado su demanda. E resultado ta "un legado toxico cu lo dura generacionnan binidero," e demanda ta acusa.

Mirando cu e kimiconan ya caba ta den e ambiente local, proteha e residentenan awo hopi biaha ta nifica instala sistemanan di filtracion di awa compleho y caro. Hende cu deposito di awa priva a haya nivelnan eleva di kimiconan peligroso den nan awa, segun e demanda colectivo.

E facilidadnan di Maryland ta localisa den un area aparta cu ta cera di e frontera cu Delaare, unda Gore a bira un parti di e comunidad. E compania, cual awe tin mas di 13,000 persona emplea, a ser funda den 1958 despues cu Wilbert Gore a sali for di e gigante kimico DuPont pa cuminsa cu su propio compania.



Bomberonan a bay rescata un cacho cu a cay den pos na Matadera

Diasabra anochi laat a drenta informe di cu un cacho lo a cay den un pos na Matadera, mesora a dirigi bomberonan na e sitio.

Na yegada di bombero nan a inicia cu nan labornan di rescate pa saca e cacho for di e pos. Esun responsabel mester percura pa termina e trabao mesora pa asina evita mas bestia of hasta hende cay aden principalmente den scuridad.



Chauffeur a bandona sitio despues di accidente pero polis a logra hay'e



Diasabra mainta a drenta informe di un accidente na Caya Calco, mesora a dirigi un patruya na e sitio.

Na yegada di e patruya a bin compronde cu un auto a bin

dal tras di un Hyundai i10 staciona mand'e bay dal un Hyundai Santa Fe tambe staciona.

Despues di esey e chauffeur a sigui core bay un cas den cercania y a para eynan.

Despues di un rato poliis a yega na e cas ey y a atende cu e chauffeur.

Chauffeur burachi a perde control bay dal riba cura di cas




Diadomingo madruga a drenta informe di un accidente na Koyari, mesora a dirigi un patruya na e sitio.

Na yegada di e patruya a bin compronde cu aki ta trata di un chauffeur burachi cu a

perde control y a bay dal riba un cura di cas.

Polis a test e chauffeur y ela surpasa e nivel permiti pa ley y nan a detene.

Chauffeur sin ningun papel na ordo ta core sin luz memey di caminda, dal auto contrario y core bay



Diasabra anochi a drenta informe di un accidente na Caya G.F. "Betico" Croes, mesora a dirigi un patruya na e sitio.


Na yegada di e patruya a bin compronde cu aki ta trata di

un accidente unda e chauffeur coriendo auto sin papelnan na ordo y sin luz cendi meymey di caminda ta pasa cu velocidad halto dal e auto di un dama di edad cu a bay pa bira pa para na un supermercado e chauffeur a

core bay na pia for di e sitio di accidente pero toch ta gana!

No ta conoci si e chauffeur di e auto ey tin rijbewijs ni si e ta burachi! Afortunadamente ningun hende a resulta herida.

Accidente cu hende herida



Diasabra madruga a drenta informe di un accidente cu hende herida banda di Amsterdam Manor na Palm Beach. Mesora a dirigi tanto polis como ambulans na e sitio.

Na yegada di e patruya a bin compronde cu chauffeur di un auto shinishi lo no a regula velocidad ni mantene distancia y a dal tras di un auto blanco. Debi na e impacto 4 persona a resulta herida. Na

yegada di e ambulans nan a atende cu e victimanan. Polis a tuma datos di e accidente aki.

Chauffeur a kita pa un auto cu tabata bini riba dje y el a drenta mondi y casi cay den dam



A drenta informe di un accidente banda di e dam na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur a bay kita pa un auto cu tabata bini frontal riba dje y el a hala na man drechi y a drenta un pida mondi hera bay cay den e dam. Afortunadamente ningun hende a resulta herida.

Chauffeur a perde control, subi 2 bari y keda pega riba nan



Diasabra mainta a drenta informe di un accidente na Sero Biento, mesora a dirigi un patruya na e sitio.


Na yegada di e patruya a bin

compronde cu aki ta trata di un accidente unda cu un chauffeur a perde control subi 2 bari y a keda pega riba e 2 barinan. Afortunadamente ningun hende a resulta herida.

Polis pasando dilanti Pro-Catedral San Francisco a ser para pa homber cu hopi dolor

Diasabra madruga un patruya pasando dilanti di Pro-Catedral San Francisco a ser para pa un homber cu a indica na nan cu e tin hopi dolor na un parti delicado di curpa y no ta sinti su mes bon.

Mesora a avisa ambulans di e caso aki. Na yegada di e ambulans nan a atende y a ripara cu e dolor a aumenta te cu mester a hib'e hospital cu urgencia.



Departamento di Impuesto su dlanan di servicio den temporada di fin di aña

En conexion cu e dlanan di fiesta, Departamento di Impuesto ta participa cu ta adapta e servicio na publico den e proximo dlanan. Departamento di Impuesto ta pidi su contribuyentenan pa tuma bon nota di e fechanan pa evita cualkier inconveniencia. Aki ta sigui un skema di e dlanan cu ta sigui.

Entrante diaranson, dia 3 di januari 2025, Departamento di Impuesto lo ta habri bek brindando su servicionan manera custumber.

Departamento di Impuesto ta gradici tur contribuyente cu a cumpli cu nan debernan fiscal durante aña 2024 y ta desea henter pueblo di Aruba un aña 2025 yena cu bendicion y prosperidad.

Fecha	Lugar	Orario
24, 25 y 26 di december 2024	Oficina principal na Camacuri Tur MFA y Postkantoor San Nicolas	Cera
27 y 30 di december 2024	Oficina principal na Camacuri Tur MFA y Postkantoor San Nicolas	7:45 am – 11:30 am 1:15 pm – 3:30 pm 8:00 am – 12:00 pm 1:00 pm – 3:00 pm
31 di december 2024	Oficina principal na Camacuri Tur MFA y Postkantoor San Nicolas	Cera
1 y 2 di januari 2025	Oficina principal na Camacuri Tur MFA y Postkantoor San Nicolas	Cera

DAO: Peticion pa Werkboek

Director di Departamento di Labor y Investigacion ta informa cu en conexion cu dlanan di fiesta venidero, a acepta y procesa peticionnan relaciona cu werkboek te cu diabierna 13 di december 2024. Entrante januari 6, 2025 lo cuminsa ricibi peticion y procesa werkboek bek. Departamento di Labor y Investigacion ta pidi disculpa pa cualkier inconveniencia cu esaki por trece cune, y ta desea pueblo di Aruba un feliz y saludabel dlanan di fiesta.



Servicionan di SVb durante dlanan di fiesta



SVb ta informa pueblo tocante e orarionan di servicio pa meld AO durante dlanan di fiesta.

Resultado Sorteo
28 y 29 December 2024

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
	0559		
	7564	SUPER5	
	5625	-	

DIARIO	KORSOU	SUPER4	FLAMINGO
	2158		
	2354	SUPER5	
	8289		

MERDIA

Sorteo # 4416

8643

0879

7653

FP

Sorteo # 4416

9812

X2

Sorteo # 2472

7508

Sorteo # 4416

0526

Capricornio

Sorteo # 1290

262

X5

Sorteo # 8435

5919

2621

9941

X2

Sorteo # 7479

9682

X5

Sorteo # 2184

4458

Sorteo # 6238

4801

Scorpio

Sorteo # 1168

484

X2

Sorteo # 2556

Joker 15 Letter D

Proximo Jackpot

180.000,-

Sorteo # 6697

Proximo Jackpot

57.000,-

Sorteo #

0 x Jackpot

0 x Match 4

0 x Afl. 500,00

0 x Afl. 50,00

0 x Afl. 15,00

440.000,-

Afl. 600.000,-

Sorteo #

Sorteo # 184

187258

Sorteo # 4492

0158

5873

2489

Fp

Sorteo # 4492

1681

x2

Sorteo # 2548

3648

Sorteo # 4492

1682

Cancer

Sorteo # 1366

375

Fp

Sorteo #

0 x Jackpot

0 x Match 4

0 x Match 4

0 x Afl. 12,00

180.000,-

Sorteo # 6698

Proximo Jackpot

150.000,-

Sorteo #

0 x Jackpot

0 x Match 4

0 x Afl. 500,00

0 x Afl. 50,00

0 x Afl. 15,00

440.000,-

Afl. 600.000,-

Sorteo #

Sorteo # 185

111800

Aña nobo

- Dialuna 30 di december 2024 SVb ta cera 12or di merdia.

- Diamars 31 di december 2024 por meld AO via MiSVb Trahado entre 7or di mainta y 11or di mainta. Esaki ta aplica pa melding via yamada telefonico tambe. Por yama na 527-2782.

- Diaranson 1 di januari 2025 por meld AO solamente via MiSVb Trahado entre 7or di mainta te cu 11or di mainta so.

- Diahuebs 2 di januari 2025 por meld AO via MiSVb Trahado entre 7or di mainta y 11or di mainta. Esaki ta aplica pa melding via yamada telefonico tambe. Por yama na 527-2782.

Tur otro oficina ta cera pa publico durante dlanan aki. SVb ta desea pueblo un Bon Pasco y Prospero aña 2025!



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera: **San Lucas:**
Tel. 588 6638 Tel. 584 5119

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Santa a wanta e calor di Amazon pa hiba regalo na muchanan di e pueblo Brasileiro

(AP) - Santa Claus a wanta e calor pegahoso di e mondi Amazon e fin di siman aki, nabegando dos biaha den boto pa hiba regalo na muchanan den un pueblo cerca di e ciudad Brasileiro Manaus.

E bishita a keda aregla pa Amigos do Papai Noel, un fundacion Brasileiro cu tin e ultimo 26 aña ta hiba regalo pa muchanan den Amazon. "Pa e muchanan di e riu, e hendenan di e pueblonan aki, nada nobo ta sucede," Raimunda Ferrera Vieira a bisa, ken ta lider di e pueblo Catalao y a ricibi santa diasabra. "Esaki pa nos tabata un regalo di Dios."

Mas di 600 mucha for di diferente pueblo a reuni na Catalao pa ricibi regalo for di Santa, ken tabata bisti den su vestuario tradicional mientras e tabata tolera e calor fuerte. Pa yega na e muchanan, e Santa Brasileiro a nabega den un boto grandi e riu Amazon, despues a sigui su biahe den un canoa. Decenas di boluntario a forma rij yegando na Santa su boto pa yuda baha tur e regalonan. Dos di nan mester a hasta carga Santa pa e baha for di e boto y evita cu su sapato lo muha, pa motibo cu tin falta di un pier.

Segun Amigos do Papai Noel, cambianan den tempo a complica e entrega di regalo.

E aña aki, e nivelnan di awa di dos di e riunan mas grandi den e area, Amazon y Rio Negro, ta abao ainda. Pues muchanan mester a reuni den comunidad unda e riu tabata suficientemente profundo pa e boto por yega. "Nos tabata sa cu esaki lo ta dificil" Pedro Carvalho Filho a comenta, programador di computer cu ta maneha Amigos do Papai Noel. "Usualmente riba e dia aki nos ta haci 3 entrega na e comunidadnan.

"Tur mucha den tur comunidad semper ta duna un smile" e Santa Jorge Alberto Moreira a comenta. "Unda cu bo bay, tin un smile. E ta un gran felicidad."



Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 30
grado Celsius

Temperatura minimo 25
grado Celsius

Indice di calor (heat index) den y rond di oranan di merdia: 31 pa 36 grado Celsius
Uv index: 7

Bahada di solo : 6:24 pm
Subida di solo : 7:00 am

Biento:

Moder for di direccion generalmente oost; forsa 3 te 4 (12 te 30 km/ora, 7 te 16 nudo)
Durante di dia basta fuerte den rafaga; forsa 5 (31 te 39 km/ora, 17 te 21 nudo)

Situacion general di tempo:
Un coriente di aire for di



noord den nivelnan medio di atmosfera, lo trece humedad den area. Esaki lo trece algun nubia riba region local, cualnan por produci un awasero riba partinan di e isla. Ademas di esaki e aire lo trece temperaturanan mas abou pa proximo dianan.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil 1 pa 2 pia
Na partinan oost te noordwest di costa: modera cu olanan alrededor di 3 pa 4, localmente 5 pia.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu inmenso dolor na nos curason, nos ta anuncia fayecimento di:



Gregorio Thiel
miho conoci como “Cox”
*09-05-1943
†25-12-2024

Na nomber di su:

Mayornan:

†Raymundo y †Dorelia Thiel-Boekhoudt

Casa stima:

Vera Thiel-Croes

Yiunan:

Gregory y Charissa Thiel-Maduro
Aldrich y Nima Thiel- Syarief

Nietonan:

Aeron
Wesley, Quinsley, Quilyan, Agus, Saniatin

Rumannan:

Roman Thiel
Luis Thiel
Norma Thiel y famia
Edna Thiel
Marjorie Y Erwin Croes-Thiel y famia
†Tur e rumannan den feliz memoria

Sua- y cuñanan:

Inchi Ras-Croes y famia
Chimina Croes-Boekhoudt y famia
Nelson y Jarmin Croes-Tromp y famia
Etlyn y Felix Boekhoudt-Croes y famia
†Tur e sua- y cuñanan den feliz memoria y famia

Tur su sobrino-, sobrinanan y sobre sobrinonan stima.
Primo y primanan, ihanan, amigo- y amiganan, bisña y conocirnan.

Demas famia:

Thiel, Croes, Dirksz, Cordero, Yarzagaray, de Freitas, Solognier, Irausquin, Trimon, Boekhoudt, Jansen, Dubero, de Cuba, Ras, Tromp, Martinus, Peñaloza, Rojas, Syarief, van der Spil, Kock, Hill, van der Biezen, Reintjes, Navarro, Quant, Geerman.

Despensa nos si den nos tristesa nos por a lubida un of mas persona.

Ta invita boso pa e acto di entierro cu lo tuma lugar na Misa Sta. Filomena na Paradera Diamars 31 di December 2024 di 8:30 am pa 10:30 am y despues lo sali pa pa Santana Catolico na Paradera.

Despues di entierro nos no ta ricibi bishita di condolencia na cas.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu dolor na nos curazon pero conforme cu boluntad di Dios nos ta participa fayecimento di:



**Gloria Theodora
Kelly- Angela**
miho conoci
como Doortje
*09-11-1946- † 25-
12-2024

Na nomber di su mayornan:
†Francisco Angela y †Angelica Angela

Su esposo:
Edwin (Eddy) Kelly

Su juinan stima:
Suglail (Zuly) y Ernesto Gomes da Silva-Kelly
Roselynn (Rossy) Kelly y Marc Ponson

Su nietonan stima:
Keanha, Xiahra, Emma, Lhaela, Duncan y Reign.

Mescos su nietonan:
Ike, Kayla, Jerrich y Richelynn

Su rumanan:
† Julio Angela y esposa † Tomasa Angela
† Henrichi Angela y esposa Margot Angela
† Mario Angela y esposa † Anita Coffie
Nora Rodulfo -Angela y † esposo Joni
† Ismael Angela
Margriet Angela
† Pedro Angela
Richard Kock y esposa Jerelyn
Egbert Kock
Marianela y esposo Kenny Haakmeester

Su tanta:
Carmelina Loeffstok-Kock y esposo + Fransisco Loeffstok

sua y cuñanan:
Anna Correa de Andrade-Kelly y famia
† Carmen Croeze -Kelly y famia
Catharina Tromp-Kelly y famia
Rosa Ruiz-Kelly y famia
Maria Davelaar-Kelly y famia
Martin Kelly y famia
† Juanita Tromp -Kelly y Jossy Tromp y famia
† Agapito Kelly y Olga Kelly y famia

Tur Sobrino- y sobrinanan na Aruba y Hulanda, primo- y primanan, amigo -y amiganan, comer y compernan, ihanan, bisñanan , conocirnan y demas famia: Angela, Kelly, Gomes da Silva, Ponson, Rodulfo, Werleman, Kock, Haakmeester, Giel,Loefstok, Correia de Andrade, Tromp, Ruiz, Davelaar, Croes, Geerman, Rasmijn, Wester, Thodé, Vrolijk, Croes, Hasseth, Bislik, Henriquez, Landa,Gaitan.

Su hendenan hopi stima di cas:
Sra Fatima Gomes da Silva y famia
Jeremy Kelly y famia na Merca
Vanessa Winterdal y famia
Suyienne Kamperveen- Tromp y famia
Joshua Laclé y famia

Bisñanan cu e la stima:
Sonia Kelly y famia
Raquelita Ruiz y famia
Lourdes Koolman y famia
Filomena Arends y Famia

Ta invita pa condolencia y acto di entierro cu lo tuma lugar dia 3 di January 2024 di 2 pm- 4 pm na Misa Santa na noord despues saliendo pa santana catolico na Noord

Nos disculpa si den nos tristeza nos por a lubida algun familiar of conocir.
Nos ta lamenta cu despues di entierro nos no por ricibi bishita di condolencia na cas

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa guerra y ora pa paz”
Predicador 3:1,2,4,7,8

Cu dolor na nos curason, pero agradecido pa tur loke el a haci y significa pa nos, nos ta anuncia fayecimento di:



Cornelia Supriana Maduro-Werleman
Cariñosamente yama “Nea”
*16-09-1950 – †23-12-2024

Mayornan: †Medardo y †Clarita Werleman

Na nomber di su:

Casa: Godfried Harold Maduro

Yiunan:

Damariz “Liesje” y Edric Tromp-Maduro

David y Charmaine Maduro-Ruiz

Nietonan y nieta stima:

Edmar, Jean Carlos, Azy-Lynn y Zaic

Rumannan:

†Aura Elina Werleman

Magriet y †Juan Isidro Rasmijn-Werleman

†Alfonso Werleman

†Miguel Werleman

Romaldo y Lucia Werleman-Rasmijn

Leonario y Carmen Werleman-Valdez

Swa y cuñanan:

†Felix y †Sanita Maduro-Croes

†Aida y †Chito Croes-Maduro

Jani Maduro

†Dichi y Maria Maduro-de Cuba

Dochi Maduro

Julio y Greta Maduro-Vrolijk

†Mercedes y Walter Lugten-Maduro

Olga y †Francis Lacle-Maduro

Aurora y Glenn Carvalhal-Maduro

Marietta y Jerry Gray-Maduro

Ronny y Luz Marina Maduro-Agudelo

Prima y primonan, sobrina y sobrinonan.

Ihanan: Cathleen Figaroa y Almira Maduro

Bon amiga: Chica Tromp y Mechí Tromp

Su compañeronan, staff y personal di Cas Di Mi Chepa.

Ex coleganan di Marathon Electronics

Demas famia: Werleman, Maduro, Tromp, Ruiz, Paesch, Henriquez, Rasmijn, Valdez, Croes, de Cuba, Vrolijk, Lugten, Lacle, Carvalhal, Gray, Agudelo y Frida Croes-Noguera.

Ta invita pa acto di condolencia y despedida cual lo tuma lugar na Royal Funeral Home dialuna 30 di december 2024 di 2’or pa 4’or di atardi. Cremacion lo tuma lugar despues den seno familiar.

Nos disculpa si den nos tristesa nos por a lubida algun famia of conocir.

Despues di cremacion nos no por ricibi bishita di condolencia na cas.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

Cu dolor na nos curason, nos ta participa fayecimento di nos
ser stima:



Sr. Francisco V. Ruiz
Cariñosamente yama "Fanchi"
*05-04-1957 - †25-12-2024

Mayornan:
† Casiano Ruiz
† Petra Ruiz-Kelly

Na number di su:
Rumannan: Rita Vrolijk-Ruiz y †Roberto Vrolijk
†Jacinto Ruiz y Ingrid Ruiz-Perez
Lourdes Ruiz
Maria Balk-Ruiz y Geert Balk
Carmen Ruiz y Elvis Ras
Reina Schuit-Ruiz y Arie Schuit
Lilian Ruiz
Sobrin(a)nan:
Miriam Vrolijk y familia
Renouska Vrolijk
†Robertico Vrolijk
Roraima Vrolijk y familia
Jarryd Ruiz y familia
Jeffrey Ruiz
Jilbert Ruiz y familia
Patrick Ruiz y familia
Miranda Ras y familia
Heiner Balk y familia
Ankia Balk y familia
Ruly Balk y familia
Folker Balk y familia
Natusha Ras y you
Varinia Ruiz y familia
Najma Rottier-Schuit y familia
Preeti Schuit
Rashid Ruiz
Tanta y omo:
Hose Kelly y familia
Magdalena Koolman-Kelly y familia
Tantanan y omo den feliz memoria
Unico iha: Roraima Vrolijk
Primo y primanan, amigo y amiganan,
Ex coleganan di Bohama Aruba N.V., Magdalena Kelly
Demas familia: Ruiz, Kelly, Vrolijk, Balk, Schuit, Ras,
Perez, Koolman, Figaroa, Engelhart, Giel, Diaz, Semeleer,
Simileer, Duarte, Eduardo.

Gradicimento ta bay na departamento di Dyalise na HOH
y Team di Lite Life
Ta invita pa acto di condolencia y despedida cual lo tuma
lugar na Aurora Funeral Home dialuna 30 di December
2024 di 9'or pa 11'or di mainta. Cremacion lo tuma lugar
despues den seno familiar.

Disculpa nos si den nos tristesa nos por a lubida algun
familia of conocir

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu hopi tristesa pero conforme cu boluntad di Dios nos ta
anuncia cu a bay laga nos den brasa di Señor



Robert Anthony Robles
Mihor conoci como Robby
*13 April 1951 †22 December
2024

Casa:
Yiunan: Sra. Carmen D. Robles Wever
Robert
Edward y Yaxzuly

Nieto(a)nan: Davina
Deynah
Nicole
Lucca

Stima manera yiu: Isa Maduro
Manera Nieto(a): Channel

Rumannan:
Abigail
Paul
Merrill Robles y Famia
Ricky Robles y Famia
Dennis Robles y Famia

Sua y cuñanan Angel Wever y Famia
Ricardo Wever y Famia
Isaac Wever y Famia
Lucia Wever y Famia
Reina Van Varsseveld y Famia
Barbara Wever y Famia
Regina Lopez y Famia

Subrino(a)nan

Primo y primanan
Ihanan: Yubi Stamper
Eugene Jones
Cedric Wever

Manera ruman: Pin y Regina
Mauricio
Selvin
Sra. Maizula
Hose

Tur amigonan, bisañanan y conocirnan
Demas familia na Suriname, Corsow y Hulanda: Robles, Wever,
Harms, Van Romondt, Rodriguez, Jannssen, Maduro, Anaya,
Van Varsseveld, Rasmijn, Krozendijk, Schwengle, Gonzalez,
Wanga, Doyle, Lynn

Ta invita pa acto di condolencia y despedida cu lo tuma lugar
dialuna dia 30 december na Aurora Funeral Home di 1or pa 4or
di atardi. Acto di cremacion lo tuma lugar den seno familiar.

Nos desculpa si den nos tristesa nos por a lubida cualkier
persona.

"Dios ta pone, Dios ta kita"...Robby

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



**Judy
Catherine
E. Gilkes**
*22-10-1951
- †26-12-
2024

Acto di
entiero
lo wordo
anuncia
despues.

Cobramento di multanan y transaccionnan 2025

Na 2025 Ministerio
Publico lo sigui ac-
tivamente cu cobra
multanan impone-
dor di hues. Esaki en
cooperacion cu CEA
y grenspolitie.



Pa evita cu bo persona
wordo busca na cas
door di funcionari-
onan di CEA of wordo
gestop na airport dor
di grenspolitie, Min-
isterio Publico ta haci
un apelacion urgente
na tur persona pa paga
nan multanan na tem-
po. E apelacion aki ta
bay particularmente na
biaheronan (cu ta core
riesgo di perde vuelo).

Bo persona por paga
online via cuenta
bancario 4000905 di
ArubaBank bao men-
cion di e parketnum-
mer (cu ta cuminsa cu
un P). Desde dialuna 6
di januari 2025 bo per-
sona por swipe tambe
na caha di Ministerio
Publico despues di haci
un cita via e website
(www.omaruba.com).
Ademas Ministerio Pu-
blico ta desea pa corda
tur hende cu si bo per-
sona haya un citacion
pa un caso den Corte
relaciona cu un infrac-
cion (di trafico), bo
persona por semper
paga e transaccion aki
PROME cu hues trata

e caso den Corte. E
suma aki lo ta semper
MENOS cu e suma cu
lo existi contra bo per-
sona den Corte.

Por paga e suma di
transaccion tanto on-
line cu na caha di OM
(despues di haci un af-
spraak). Si e multa wor-
do pa gana tempo, e cit-
acion y e tratamiento lo
caduca y bo persona lo
no mester di bay Corte
mas tampoco.

Ministerio Publico a
constata ultimamente
cu hopi hende ta bin
Corte, sea pasobra nan
no sa of no ta compro-
nde bon cu nan por
evita di wordo persigui
penalmente (un caso
den Corte) door di
paga e transaccion na
ora. Si bo persona tin
algun pregunta tocante
bo multa(nan), por
manda esaki pa info@
omaruba.aw. Por even-
tualmente haci uso di e
formulario di contac-
to riba website www.
omaruba.com tambe pa

Chad ta vota den eleccion parlamentario boicotia pa e oposicion mientras regla militar ta caba

(AP) — Chadianonan a vota ayera den un eleccion parlamentario y regional cu lo pone fin na un periodo transitorio di tres aña di regla militar, pero cu e oposicion principal ta boicotiando despues di acusa autoridadnan di no supervisa un proceso electoral confiable.

E eleccion parlamentario ta e prome den mas cu un decada na Chad y ta bini algun luna despues cu e lider di e junta, Mahamat Idriss Deby, a gana un eleccion presidencial disputa cu tabata destina pa restaura democracia. Deby a tuma poder na 2021 despues di e morto di su tata, e presidente di hopi tempo, Idriss Deby Itno, ken tabata den poder pa tres decada.

E pais exportador di azeta cu 18 miyon residente y cu

ta un di e paisnan mas pover den Africa, no tabatin un transferencia di poder liber y husto desde cu el a bira independiente di Francia na 1960. E eleccionnan di e aña aki ta e prome den paisnan cu gobernacion di junta den e region Sahel di Africa cu a sostene nan promesa, aunke cu un retraso, pa restaura democracia.

Por lo menos 8 miyon votador ta registra pa scoge 188 legislador pa e Asamblea Nacional nobo di e nacion Centro Africano. Representantenan di nivel provincial y municipal tambe lo ser eligi. Ta anticipa e resultadonan dentro di dos siman mas o menos.

Mas cu 10 partido den oposicion ta boicotiando e voto, incluyendo e partido principal Transformers, di ken su



candidato, Succes Masra, a yega segundo den e eleccion presidencial.

E partido a critica e eleccion parlamentario, como tambe e eleccion presidencial di cual hopi observadornan a ser prohibi, como un “charada” y un strategia pa Deby keda den poder pa sigui nan “dinastia.”

Masra a sirbi brevemente como prome minister anterior

or e aña despues di regresa for di exilio prome cu el a renunciar pa participa como candidato presidencial. Diasabra el a alega cu e resultadonan di e voto lo ser manipula y a bisa votadornan: “Ta mihor pa keda cas.”

Grupo di oposicion, Grupo di Cooperacion di Actornan Politico (GCAP), cu tambe a pidi pa boicotia e eleccion, ta sigui disputa e victoria presi-

dencial di Deby. “Pa presenta candidato den e eleccionnan cu ta perdi caba di comienso ta nifica valida un poder cu ta busca pa ta legitimo,” vocero Max Kemkoye a bisa.

Eleccion ayera ta bin den un periodo critico pa Chad, cual ta enfrentando varios desafio di seguridad, for di e atakenan militante di Boko Haram den e region di Lago Chad te cu e ruptura den e lazo militar di hopi decada cu Francia, su aliado clave.

Mahamat Oumar Adam, un científico di politica Chadiano, a bisa cu e cuestion principal den e eleccion ta pa no perde democracia di e pais pa un transicion prolonga. E transicion a cuminsa na 2021 y a inclui un dialogo nacional na 2022, un referendum constitucional na 2023, y e eleccion presidencial e aña aki.

Di 39 presidente Mericano, Jimmy Carter, a fayece cu 100 aña di edad



(AP) — Jimmy Carter, e agricultor di pinda kende a gana e presidencia Mericano despues di scandal Watergate y e guerra di Vietnam, a sufri un derota humillante despues di un termino dificil y despues a redefini bida despues di Cas Blanco como un humanitario. El a fayece cu 100 aña di edad.

E presidente Mericano cu

a biba mas largo den historia a fayece ayera, mas cu un aña despues cu a drenta cas di cuida, na su pueblo natal chikito, Plains, Georgia, unda e y su esposa Rosalynn, kende a fayece cu 96 aña di edad na november 2023, a pasa mayoria di nan bida, segun The Carter Center a bisa. E centro a agrega cu el a fayece pacificamente, rondona pa su famia.

Kavelashvili inaugura como presidente di Georgia, complicando e pais su caminda pa UE

(AP) — Ex-hungador di futbol Mikheil Kavelashvili a ser formalmente inaugura como presidente di Georgia ayera, fortaleciendo e control di e partido gobernante, algo cu e oposicion ta considera un golpi na e aspiracionnan di e pais pa drenta e Union Europeo y un victoria pa Rusia, un gobernante imperio antiguo.

E presidente saliente di Georgia, Salome Zourabichvili, ken ta pro-West, a declara ayera mainta cu e lo sali for di su residencia na Palacio Orbeliani na Tbilisi, pero a insisti cu e ainda ta e mandatario legitimo.

“Lo mi sali di aki, sali pa bini cerca boso y ta cu boso. ... E residencia presidencial aki tabata un simbolo mientras tabatin un presidente aki cu tabata legitimo. Mi ta hibando legitimidad cu mi,” Zourabichvili a bisa na un multitud di sostenedor para pafo di e palacio.

El a yama e inauguracion di Kavelashvili un “parodia.” Kavelashvili, 53, ken tabata e unico candidato riba carchi di voto, a gana facilmente den december, pasobra e partido Georgian Dream tin control di un colegio electoral di 300 miembro cu a reemplaza elec-



cionnan presidencial directo na 2017. Esaki ta consisti di miembronan di Parlamento, consehonan municipal y legislaturanan regional.

Den su discurso ayera, Kavelashvili a priminti pa ta “presidente di tur hende, no importa si nan gusta mi of no.” El a haci yamado pa e nacion uni tras di dje den “balor comparti, principio di respet mutuo, y e futuro cu nos mester construi hunto.”

Georgian Dream a retene control di Parlamento den e nacion durante e eleccion di 26 di october cual e oposicion ta acusa cu Moscu a yuda manipula. E partido a priminti pa sigui pusha pa un acceso na Union Europeo, pero tambe kier “reset” nan relacion cu Rusia.

E presidente saliente di Georgia y e partidonan pro-West principal a boicotia e sesionnan parlamentario despues di eleccion y a pidi un recuento di e voto.

Na 2008, Rusia a bringa un

guera corto contra Georgia, cual a resulta den e reconocimiento di Moscu di dos regionnan separatista como independiente, y un aumento den e presencia militar Ruso na South Ossetia y Abkhazia. Criticonan a acusa e Georgian Dream—estableci pa Bidzina Ivanishvili, un multimilionario cu a gana su fortuna na Rusia—di bira mas autoritario y di inclina mas direccion di Moscu. E partido recientemente a pusha pa leynan similar na esnan usa pa Kremlin pa reprimi libertad di expresion y derechonan LGBTQ+.

E decision di e Georgian Dream luna pasa pa suspende dialogo riba nan aplicacion pa uni na UE a aumenta e rabia di e oposicion y a galvanisa protestanan.

Manifestantenan dilanti e edificio di parlamento ayera tabatin carchinan cora den nan man, referiendo e carera di futbol di Kavelashvili.

“Pasobra awe nos presidente ta un futbolista, nos ta mustre un carchi cora. E proximo paso lo ta pa sak’e for di veld. E pueblo Georgiano definitivamente lo haci esaki, pasobra loke a tuma luga awe den parlamento ta un circo,” manifestante Sofia Shamanidi a conta Associated Press.

Un Prospero 2025

Yegando e final di 2024 nos kier gradici bo pa scoge nos como bo compania local di telecomunicacion.

Bo confiansa den nos, ta nos forsa pa sigui innova. Nos compromiso ta pa sigui trece lo ultimo den tecnologia y keda brindabo como nos cliente e mihor servicio.

2025

SETAR

Kim di Nort Korea ta priminti e politica anti-Mericano mas estricto prome cu Trump asumi su cargo

(AP) — Lider di Nort Korea, Kim Jong Un, a priminti pa implementa e politica anti-Mericano “mas estricto,” segun medio estatal a informa ayera, menos cu un luna prome cu Donald Trump tuma oficina como presidente di Merca.

E regreso di Trump na e Cas Blanco ta crea expectativa halto pa diplomacia di perfil halto cu Nort Korea. Durante su prome termino, Trump a reuni tres biaha cu Kim pa dialoga riba e programa nuclear di Nort Korea. Sinembargo, hopi experto ta bisa cu no ta hopi probable cu e cumbre entre Kim y Trump lo cuminsa atrobe pronto, pasobra Trump lo duna prioridad na e conflictonan di Ucrania y Medio Oriente. Sosten di Nort Korea pa e guerra di Rusia contra Ucrania tambe ta pone un desafio riba e esfuersonan pa rebiba diplomacia, segun expertonan.

Durante un reunion plenario di cinco dia di e partido gobernante, Partido Laboral, cu a caba diabierna, Kim a

yama Merca “e estado mas reaccionario cu ta considera anti-comunismo como su politica estatal invariable.” Kim a agrega cu e colaboracion di seguridad entre Merca, Sur Korea, y Hapon ta crece den un “bloc militar nuclear pa agresion.”

“E realidad aki ta muestra claramente den ki direccion nos mester avansa, kico nos mester haci y con nos haci’e,” Kim a bisa, segun e agencia di noticia oficial Korean Central News Agency (KCNA). E agencia a agrega cu e discurso di Kim “a aclaria e strategia pa e contra-accion anti-Mericano mas estricto ser implementa agresivamente” pa defende e interesnan nacional y seguridad di Nort Korea pa un largo plazo.

KCNA no a detaya riba e strategia anti-Mericano. Pero e medio a informa cu Kim a presenta tareanan pa fortifica e capacidad militar via avancen tecnologico di defensa y a resalta e necesidad pa mehora e resistencia mental di e soldadnan di Nort Korea.

E reunionnan anterior entre

Trump y Kim no solamente a pone un fin na nan retoricanan agresivo y menasanan di destruccion, pero tambe a desaroya conexiannan personal. Trump un biaha a declara famosamente cu e y Kim “enamora.” Pero nan dialogo eventualmente a colapse na 2019, ora nan no a por yega na un acuerdo riba sancionnan lidera pa Merca contra Nort Korea.

Despues di esaki, Nort Korea a aumenta rapidamente nan actividadnan di prueba di arma pa desaroya misilnan nuclear mas confiable dirigi riba Merca y su aliadonan. Merca y Sur Korea a responde por medio di aumenta nan entrenamiento militar bilateral y tambe trilateral cu Hapon, algo cu Nort Korea ta percibi como ensayo pa invasion y cu a provoca rechazo fuerte.

Esaki ta complica mas e esfuersonan pa convence Nort Korea pa bandona su arma nuclear den cambio pa benefician economico y politico. Adicionalmente, e cooperacion militar entre



Nort Korea y Rusia ta sigui desaroya.

Segun evaluacionnan di Merca, Ucrania y Sur Korea, Nort Korea a manda mas cu 10,000 trupa y sistema di arma convencional pa sostene e guerra di Rusia contra Ucrania. Ta preocupa cu Rusia por duna Nort Korea tecnologia avansa di arma como intercambio, incluyendo yuda desaroya misilnan nuclear mas poderoso.

Presidente di Ucrania, Volodymyr Zelenskyy, a bisa siman pasa cu 3,000 trupan di Nort Korea a ser mata y herida durante bringamento den e region di Kursk na Rusia. Esaki tabata e prome calculacion significativo di

Ucrania riba e perdidan di Nort Korea desde cu nan a cuminsa desplega trupa na Rusia den october.

Rusia y China, den nan mesun disputa separa cu Merca, a blokia repetidamente e esfuersonan lidera pa Merca pa pone mas sancion di ONU contra Nort Korea, apesar di nan prueba di misilnan repetitivo desafiando e resolucionnan di e Consejo di Seguridad di ONU.

Luna pasa, Kim a declara cu nan negociacionnan anterior cu Merca a confirma e hostilidad “consistente” di Washington contra su pais y a bisa cu su deposito nuclear ta e unico manera pa combati menasanan externo.